



948,1  
Gunn.



Oldenburg



CHRONICON  
REGUM NORVE-  
GIÆ, OLIM IDIOMATE  
NORVEGICO CONSCRIPTUM:

Nunc autem primo Elegiacis Versi-  
bus latinè expositum.

M. Halvardo Gunario Norve-  
gio, in Collegio Aslojenſi S. S. Theogiæ  
Lectore ac Archipresbytero.

DEDUCTA CONTINUA SERIE

AB HARALDO HOLFAGRIO ſive Pulchrico-  
mo, Primo Norvegiæ Rege, uſq; ad Regem Haqui-  
num Haquini Senioris filium.

Ad calcem libri addita ſunt octaſtica I. Sa-  
dolini, de regibus Daniæ ſimul & Norvegiæ, ab Olao Ha-  
quini filio uſq; ad Chriſtianum hoc nomine  
Quartum.

Incluta nescirent Heroum geſta nepotes,  
Si non historicus proderet illa liber.

R O S T O C H I I

Ex Officinâ Typographicâ Stephani Myliandri.

ANNO M. DC. VI.



Egibus infallax dedit hoc insigne vetustas,  
 Imperio quorum Cimbrica regna vigent..  
 Candida: CR U X, Domino proprijs nec fi-  
 dere rebus,  
 Cum populis Reges CR U X sacrosancta:  
 monet..

Fausta CORONATI referunt TRES bella LEONES,  
 Pace duces pacem, prælia Marte gerant..

Quid

**Quid L E O ?** quem curvâ decorat Diadema Bipenni ?  
 Heroas fortes, fortia corda decent.  
**Cur micat in clypeo** facili vultuq; benigno ?  
 Aspiciens hominum subdita corda DEO.  
**Parcere subjeçtis, & debellare rebelles,**  
 Principis officium debet id esse pij.  
**Quid D R A C O ?** Rex hostem non fraude, sed arte re-  
 Viribus infractis bella gerenda ferat. (pellat,  
 Pacis amore salus populiq; Ducumq; virescit,  
 Pacis ut æqua triplex signa C O R O N A refert.  
**Quid sibi vult A G N U S** signo victoris adauctus ?  
 Mite pjs ducibus pectus inesse decet.  
**Quidve C O R O N A T U S** Piscis, geminiq; LEONES ?  
 Prælia pro populis Rex gerat atq; Deo.  
 Subjectos flagret terrâq; mariq; tueri,  
 Liberet ense bonos, puniat ense malos.  
**Quid folia U R T I C Æ ?** vetitas Rex pectoris iras,  
 Et populi reprimat, lege jubente, scelus.  
 Scripta Poëtarum Reges præclara coronant,  
 Infixum C T G N O quod D I A D E M A docet.  
 Emicat è T R A B I B U S legum reverentia B I N I S,  
 Imperij fasces jure cadente cadunt.  
**C R U X** Domini ? timidum nihil, aut leve Regibus insit,  
 A C H R I S T O Regum pendeat una salus.  
**M I L E S** equo residens nudatum commovet ensẽ :  
 Evehat invictos bellica fama duces.  
 Aurea Danorum clypeos complexa C O R O N A,  
 Criminis expertes admonet esse duces.  
 Aurum labe caret : Reges pia facta coronant,  
 Hoc clypei fato Danica sceptrâ virent.

A 2

MA






MAGNIFICO, NOBILI  
ET STRENUO VIRO, ELO-  
QUENTI & SAPIENTIA, MA-  
gno rerum politicarum usu, & sum-  
mis virtutum laudibus præstanti,

DN. ARNOLDO HUID-  
FELDO, de Odersberg, in-  
clyti Regni Danicæ Cancellario &c. Do-  
minio & Patrono suo plurimum ob-  
servando.

S. D.



*Inclyte Huidfeldæ celebri vir  
stemmate gentis,  
Priscæ quæ titulos Nobilitatis  
habet.*

*Salve Mæcenæ; & longum Nestoris ævum  
Comple, teq; Dei gratia magna bœet.  
Consilio prudens, vario spectabilis usu,  
Justitiæ sacræ cultor, amansq; DEI.*

*Quare*



*Quare macte animo, divus Fridericus ama-  
vit*

*Ingenuum pectus, iudiciūq; tuum.  
Tempore quin longo regni secreta tenebas,  
Et noras Regis sensa animumq; tui.  
Totius es Regni nunc Cancellarius ampli,  
Præstans eloquio, Religione, fide.  
Accipe sincerâ non magnum mente libellum,  
Mittere quem iussit nostra Thalia tibi.  
Est rudis (hoc fateor) nec tãto præside dignus,  
Spes mihi certa tamen posse placere subit.  
Non modò quod faveas Musarum castra se-  
cutis.*

*Auxiliatrices sæpe ferasq; manus.  
Sed studijs etiam quod sis cultissimus ipse,  
Tinctaq; Castalio pectora fonte geras.  
Quamvis ampullas & sesquipedalia verba,  
Sæpe Poëtarum turba animosa crepet:  
Quæ vacuas tantum titillant suaviter aures,  
Grandibus & feriunt pectora vana sonis.  
Me tamē usq; juvat cum simplicitate referre,  
Regum Norvagiæ perspicue historias,  
Horum gesta igitur breviter potiora notabo,  
Illis ut detur gloria, lausq; simul.*

Hoc opus , hic labor est vatum , conscribere  
dulci.

Splendida magnorū carmine facta Ducum.  
Et memores factis illustribus addere Musas:  
Longa dies nunquam quas abolere potest.  
Nam post fata manet virtus , virtutis &  
& acta,

Munere Musarum concelebrata sacro.  
Ergo canens Reges, est dignus munere Regum,  
Nutrit honos antes , Regia res honor est.  
Nomina dant vates , Reges dant lauream  
& aurum, ::

Ambo vicissim sic munera digna ferunt.  
Exhibet hoc fulvo Cygnus diademate cinctus,  
Armis Danorum qui bene junctus adest.  
Quam fuerat florens olim Norvegia Regnum,  
Testantur varijs splendida templa locis:  
Urbes, munitaq; arces, & canobia alta,  
Hic oculis quæ sunt antea visa tuis..  
Nam non Bergensem tantum lustraveris ar-  
cem,,

Quæ tibi nascenti vitæ elementa dedit.  
Sed reliquas et jam terras memorare libebit,  
Tentasti studio quas peragraræ tuo.

Non

Non ego nunc referam Gallorum ditia regna,  
 Hispanasve domos, Teutonicumq; solum.  
 Cernere non etjam dubitas Norvegica saxa,  
 Saxa sub Arctoo conspicienda polo.  
 Nidrosia sedes antiquas, & sacra templa  
 Visere gaudebas, non renuente Deo.  
 Russia te vidit, vidit Finmarchia junctum  
 Claris legatis, conspiciusq; viris.  
 Hic demiraris Finnos non corpore magnos,  
 Magnas arte sua posse domare feras.  
 Nam venatores, venatricesq; perita,  
 Emisissis jaculis obvia quaq; necant.  
 Et celeri cursu fugientia cuncta sequuntur,  
 Non secus ac nervo missa sagitta volat.  
 Hæc vaga gens inter montes & saxa perer-  
 rans,  
 Secum resq; suas & sua tecta trahit.  
 Ursos quisq; sequi miro conamine gaudet,  
 Nam cuncti ursorum vivere carne solent.  
 Et repleta bibunt illorum pocula cruore,  
 Ignibus excoctus qui tamen ante fuit.  
 Tunc veluti celebris latantes Jure trium-  
 phi  
 Edunt barbarico murmura rauca sono.

Hi reprobam ( ut fertur ) tractantes Dæmo-  
nis artem,

Mortales alios ludificare sciunt.

Cognoscunt ventos tempestatesq; ciere,

Ac inferre suis hostibus exitium.

Quin proprias animas ipso de corpore mit-  
tunt,

Scrutantes varijs multa notanda locis.

Quas rursum excipiunt redeuntes , visaq;  
narrant

Omnia, perpensa pro ratione rei.

Hæc verò fieri quis crederet ? at mihi testis

Præ multis locuples solus & unus eris.

Plura meis essent jam commemoranda Camæ-  
nis ;

Sed justum poscit nostra Thalia modum.

Ac ne propositi ulterius vagor immemor, ad  
te

Nunc redeo , meritis vir memorande tuis.

Te precor , ut placido mi Cancellarie vultu

Suscipias humili carmina facta stylo.

Historias , artes , & dulces excole Musas,

Quod facis , & doctos perge fovere vi-  
ros.

Sic



*Sic nomen, laudesq; tuas nulla obruet atas,  
Quæ venit à Musis gloria vera venit.  
Quicquid agas, vertant superum benè Nu-  
mina, Parca*

*Adijciant vitæ secula multa tuæ.  
Et tuus instabilem vitam cum fata reposcunt,  
Spiritus ad celsi subvolet astra poli.*

*Tuæ Magnificentiæ  
Observantissimus*

*HALVARDVS GVNARIVS.*



## *EPIGRAMMA*

*In Chronicon Norvegiæ Poëticum.*

*Reverend. & Clariss. Viri*

*DN. M. HALVARDI GVN-  
NARII, Collegij Astloensis in Nor-  
vegiâ Archipresbyteri, & Lectoris  
Publici.*

**H**ISTORIA, testis temporum, densum chaos  
Dilucidando digerit,  
Suisq; gestas res in orbe sæculis,  
Metisq; certis ordinat. :

*Et*

Et veritatem à fabularum nanijs  
 Discriminans, densissimis  
 Res ex tenebris lucis in Clarissimæ  
 Amoena tempe collocat:  
 Oblivionis à sepulchrali situ  
 Heroas amplos vindicans,  
 Memores apud donat nepotes incliti  
 Vitam perennem nominis:  
 Magistra vitæ monstrat exemplis bonis  
 Malisque, queis vestigijs.  
 Virtutis atq; gloriæ fastigia  
 Adire possis ardua,  
 Foedisq; vitijs nuntium remittere,  
 A clade liber vindice:  
 Antiquitatis nuntia, ætas desita  
 Quæ plurima ante secula.  
 Patravit atq; vidit, hæc ad tempora  
 Scitè revolvens innovat;  
 Actis ipsædem perpetim manentibus,  
 Licet actor exfurgat novus.  
 Proinde laude plurimâ doctissimi  
 Dignus est labor **GUINARII**:  
 Quo maximorum res Monarcharum ultimis  
 Ab usq; repetens sæculis,  
 Compendiosis illigavit versibus,  
 Polyhistor & vates bonus.  
 Per hunc revixere atq; in auras luminis  
 Rediere Reges, Assuris  
 Niniquè fortes ac potentes posteri,  
 Babylonis amplæ præsides.  
 Rediere post hos & Monarchæ Elamidæ,  
 Sceptrum tenentes Persicum.

Rediere



Rediere fortes ac feroces Hellados

Pulcris in armis principes.

Rediere claris in triumphis Romulus

Cum subsequis Quiritibus.

Rediere magno Teutones cum Carolo,

Aquilâ superbi duplicem.

HALDANUS illis ecce Suartheus nunc pedem

Conjungit, armis inclitus.

Qui sub Boote sceptrâ Rex Norvegiæ

Potente gessit dexterâ.

Ut fulget auro! dum caballum dirigit,

Flectens in orbe cingulo.

Ut gaudet, agmen intuens heroicum,

De stirpe profatum suâ!

Ut fundit ore verba tamquam fluminis

Ex fonte pleno profua!

Dum posterorum nuntiat cohortibus,

Sibi & Ragnildæ conjugî

Oblatus quondam nocte in atrâ somnia,

Præfaga tantorum virum.

Hivero ut aures arrigunt! ut mentibus

Fâmentibus dicta imbibunt!

Ut veritatem somniorum cælitus

In se repletam gestiunt!

Ut agminatim gratias GUNARIO

Tubis agunt sonantibus!

Qui res ab ipsis fortiter gestas suo

Illuminavit carmine,

Monumenta ponens saxea vel aenea

Perenniora imagine.

Sed inter omnes ceteros, à funere

Quos excijt GUNARIUS,

Adhuc

Adhuc superstes ( ô superstes sit diu ! )  
Rex CHRISTIANUS eminet,  
Postremus ordine versuum, sed splendidis  
Primos gradus virtutibus.  
Tenere dignus. Vivus hic vivacia  
Sua audiens præconia,  
Verare cuncta non modò unice studet,  
Sed & reapse vincere;  
Ut non obire posteris dici queat,  
Sed victitare perpetim.  
Hic hic suumq; & antecessorum decus,  
Tuis perennatum metris,  
HALVARDE, abunde liberali dexterâ  
Ornabit, atq; præmium,  
Doctis rependet debitum laboribus :  
Quamquam tibi ipse præmium  
Ingens parasti, nominis doctissimi  
Perennivivam gloriam.  
Dum namq; famam Regionum nominum  
A dente læti vindicas,  
Tibi eruditis comparas famam libris,  
Quam nulla mors deleverit.

*M. Petrus Bambanius, Ec-  
clesiastes & P. L.*



CHRONICON  
Regum Norvegiæ, qui vulgò  
ENEVOLDI, hoc est,  
Monarchæ fuerunt.

HALDANVS COGNOMEN-  
TO SVARTVS id est Niger REGVLO-  
RVM NESSICORVM h. e. NOMARCHA-  
RVM postremus.



*Hætenus Assyrios cecini, Persasq; Monarchas,  
Græcos, Romanos, Teutonicosq; simul:*

*At nunc fert animus præconia dicere Regum,  
Norvagiam validâ qui tenuere manu.*

*Quæ gelidæ est septem subiecta trionibus urse,  
Oceano & Scopulis undiq; cincta fere.*

*Piscosis dives lacubus, facundaq; frugum,  
Pæonijs herbis, arboribusq; ferax.*

*Belligeris florens fuit hæc Heroibus olim,  
Navarchis rigidis, conspicuisq; viris.*

*Regibus ( ut vocitant ) Nessicis tempore longa  
Paruit, alma quibus pax odiosa fuit :*

*Sæpe illis stricto libuit concurrere ferro,*

*Ultro qui voluit cedere rarus erat.*

Sed mirā pulchra stimulantē cupidine laudis,  
Hostiles gaudet fundere quisq; manus.  
Eminet inter eos SVARTVS cognomine dictus  
Haldanus, patriæ gloria magna sua.  
Fortior audentes dextram conferre subegit,  
Subijciens pedibus, Marte favente, suis,  
Strenuus Oplandas valido certamine gentes  
Subdidit, Occiduam Westfoliamq; sibi.  
Westfoliam crebris quam pulsat fluctibus equor,  
Cum niger everfas concitat Euris aquas.  
Postea Ragnildam junxit sibi fœdere, Neptis  
Qua Clachi, Danaum sceptrâ tenentis, erat.  
Fortè quiescenti relevans nox pectora curis,  
Offert Reginæ Italia visa nova:  
Ex gremio spinam sese peperisse videtur,  
Qua capit tepido crescere fixa solo.  
Maxima defixis stabat radicibus altè,  
Vertice contingens Sydera celsa Poli.  
Vertex albus erat, rubicundo stipite fulgens,  
Sed radix viridi tinctâ colore fuit.  
Undiq; diffundens latè sua brachia, totam  
Umbrabat ramis Norrigiamq; suis.  
Rex quoq; Casarie quondam notissimus atrâ:  
In somnis Suartus somnia mira videt.  
Scilicet ut longè splenderet pulchrior, ing;  
Divisus varias, crinis ab arte, comas:  
Prima brevis collum, promissior altera lumbos  
Tangebât, talos tertia, quarta solum:  
Omnes diversis fulgere coloribus, omnes  
Et regi miris complacuerê modis;  
Unaq; præcipuè nitido fulgere colore.  
Visa fuit, major nobilitate suâ.



Somnus ut abcessit, Torlepho visa renarrat  
 Somnia, cognomen cui sapientis erat :  
Finierat : mox interpret sic ora resoluit,  
 Excutiens animo singula dicta suo.  
Suartiaca multi descendunt stirpe Monarcha,  
 Et cogent hostes vertere terga suos.  
 At unus reliquos excedet fortibus armis,  
 Hostibus ex victis lata trophæa ferens.  
 Omnes intrepidi lituos & bella sequentur  
 Fervida, sed reliquis fortior unus erit.  
 Interea conjunx pulchrum formosa marito  
 Filiolum peperit, latitiâq; suo.  
 Qui tulit Haraldæ multis commune Monarchis  
 Nomen, cum sacris perlueretur aquis.  
 Is citò succrevit fluvialis arundinis instar,  
 Spes & amor matris delictumq; sua.  
**H** Adlanda est regio Rhandi contermina ripis :  
 Nec non sylvos, undiq; cincta jugis.  
 Parvaq;, frugifero sed passim nobilis agro,  
 Membrosus & equis, piscibus atq; feris.  
 Hic habuit sedes Haccho fortissimus olim,  
 Qui rapuit natam, Magne Sivarde, tuam.  
 Hic positus Suartus duxit convivium mensis  
 Sapius, hic vitam reddidit ante diem.  
 Vere etenim fractâ glacie submersus in undis,  
 Interijt Rhandi, turba sequensq; ferè.  
 Quattuor ut lustris bis denos addidit annos :  
 Sic latet ille locus, quo morietur homo.  
 Vive memor Leithi, morieris fortè sub horam :  
 Spe citius Leithum saepe venire solet.  
 Sed quò digredior? sapiens Haldannus & equus  
 Leges pro Regni conditione tulit :

Utq; alij latas servarent jugiter omnes.  
 Servavit leges jugiter ipse suas.  
 Omnibus & reliquis longè felicior idem,  
 Ante ipsum sceptrum qui tenuere, fuit.  
 Lata sub hoc etiam currebant tempora Rege,  
 Namq; sub hoc frugum copia dives erat.  
 Amplaq; vix largas capiebant horrea messes,  
 Tanta fuit frugum, copia tanta fuit.  
 Ergo ubi fama volans cunctis pervenit ad aures:  
 Subjectis, Regem sic perisse, suum:  
 Et cineres atro condendos esse sepulchro.  
 Hic ubi Ringericos Tyrus inundat agros.  
 Hedmarchi veniunt, Romeris cum Westfolijsq;  
 Primates, ejus reliquiasq; petunt.  
 Lis oritur, quivis cineres auferre laborat,  
 Et juxta proprios contumulare lares.  
 Semina quò reddant agri cum sænore multo,  
 Et Domino non sint horrea magna satis.  
 Divisum est partes in quattuor ergo cadaver,  
 Quilibet ut partem sumeret, inde suam.  
 Herbiferoq; domum tumularet colle reversus,  
 Sicut majorum tempore moris erat.  
 Praestantes regni procures Ringrigia vidit,  
 Non procul à Steno condere colle caput.  
 In quibus illius tumulati membra quiescunt,  
 Haldani colles secula nostra vocant.  
 Annos mille quater steterat tum machina mundi,  
 His octingentos cum tribus adde decem.  
 Secula transierant post partum virginis octo,  
 Et jam bis septem lustra peracta forent.



HARALDUS COGNOMINA-  
TVS HORFAGRIVS SIVE PVL-  
CHRICOMUS HALDANI Filius, Primus  
REX sive Monarcha NOR-  
VEGLÆ.

**F**ilius extincto patri successit HARALDVS,  
Norgica qui primus sceptrum Monarcha tulit.

At parèreferox, illiq; subesse recusans

Pars bona Consilium Nobilitatis habent,

Quâ ratione queant patriâ expellere regno

Ipsum, vel miseris exanimare modis.

Rex ubi Consilium cognovit, protinus ades.

In quibus, armato milite cingit, erant,

Inicit (insandum) tectis sublimibus ignem:

Illaq; Vulcano depopulante ruunt.

Pars absumentur flammis, pars arma capeffunt.

Quiq; sed adverso casus ab hoste cadit.

His actis, Gioda connubia virginis ambit,

Rege Hordlandorum quæ Patre nata fuit.

Legatos igitur mittit, quibus illa diserto

Respondens tales reddidit ore sonos.

Hunc ego nolo virum, cui sola Nomarchia pareat.

Hunc, qui dat regno jura Monarcha, volo.

Ergo Norragiam si totam fortibus armis

Subdiderit sceptro strenuus ille suo,

Illius ingrediar thalamos: ego sponsa, thoroq;

Dignabor, voti compos eritq; sui.

Hæc, ubi legatis referentibus, auribus hausit,

Testificans læta gaudia mentis, ait:

Hoc pro responso sit gratia magna puella,

Suggerit ex animo quæ mihi tanta bono.

Per superos igitur (parent quibus omnia) juro  
Quod mihi promissas non rescabo comas,  
Et quod barba comans non ante resecta jacebit,  
Subdidero patriam, quam mihi Marte, meam:  
Aut gelido moriar transfixus pectora ferro,  
Aut patriæ magnus jure Monarcha dabo.  
Nec mora, conscribit turmas Horsagrius acres,  
Et citus armatos contrahit ille viros.  
Hinc cum Nessicis gerit aspera bella Nomarchis,  
Et victos cogit vertere terga sibi.  
Pars mutant patrios, bello durante, penates,  
Hic Thyles, alter Iemptica rura petit.  
Pars remanent, illiq; manus dant sponte, feraces  
Ne perdant fundos, prædia culta, suos.  
Quiq; prius Regis titulos & nomen habebat,  
Nunc fert impositum subditus ille jugum.  
Jamq; sui compos voti, regniq; Monarcha,  
Horsagrius populo jura dat aqua suo.  
Lotaq; Casaries Rogvaldi falce secatur,  
Per duo qua nunquam lustra resecta fuit.  
Nunc tua Casaries Rex est pulcherrima, (dixit  
Tonsor) & Horsagrii nomen habere potes.  
Postea sperantem connubia læta puellam,  
In sociam recipit, participemq; thori.  
Bis denos habuit charissima pignora natos,  
Quos ex conjugibus bis tulit ille tribus.  
Inde nothum, vite numerans sex octoq; lustra  
Progenitq; cui nomen HA VINVS erat.  
Hunc Adelfteno, pictis dans jura Britannis,  
Enutriit, mores edocuitq; bonos.  
Hunc amat, hunc curat tingendum flumine sacro,  
Imponi nomen mandat eiq; suum.

Hunc

Hanc pius erudiens quidam puerilibus annis,  
Salvificamq; docet, Rege jubente, fidem.  
Interea exactis vita sex octoq; lustris,  
Horsagrium vires distituere senem.  
Imperium quare nato committit Erico,  
Nam reliquis patri charior ille fuit.  
Post obit Aulnesi lapsa trieteride, mortem,  
Qui jacet ad templum viscera collis habet.  
Annos imperij si quisquam scire laborat,  
Tres annos fasces, lustra decemq; tulit.  
Tunc novies centum post partum virginis anni  
Implerant cursum, senaq; lustra suum.  
Fortius & majus vel munificentius illis  
Temporibus vidit Norgica terra nihil.  
Hic vellem ventis velum subducere, si non  
Exponenda mihi somnia visa forent.  
Somnia, qua Clachi neptis Ragnilda videbat,  
Noctu cum premeret lumina victa quies.  
Arboris ut radix fuit instar rubra cruoris,  
Sed viridis Stipes more Smaragde tuo:  
Exitit auspicium regni sic Marte cruentum,  
Postea quod florens tempore pacis erat.  
Arboris ut niveum vertex referebat olorem,  
Tempore qui mortis carmina grata canit.  
Sic caput & niveis sparsus sua tempora canis,  
Horsagrinus summum clausit in orbe diem.  
Deniq; ceu multos latè sua brachia ramos  
Diffudit, tepido stans bene fixa solo:  
Sic latè charos sparsit sua pignora natos,  
Progenies ejus sic numerosa fuit.  
Vnde Monarcharum descendit origo sequentum.  
Norgica qui forti sceptrum tulere manu.

*Namq̃ tulit legem , ne regni sceptrā teneret ,  
Qui non illius stirpe profectus erat.  
Ergo quis Clacho celebri genitore creata  
Somnia Ragnildæ vana fuisse putet ?*

**ERICVS HORFAGRII FILIVS**  
**Cognomento BLODOXVS**

**II. Rex Norvegiæ.**

**P***Ulchricomus lumen postquam vitale reliquit,  
Sex vitæ numerans octog̃, lustra suæ.  
Imperij natus moderatur Ericus habenas ,  
Robore quas patrem destituyente tulit.  
Fratribus incedit regnandi sæva cupido ,  
Vnde movent fratri bella cruenta suo.  
Ergo laceffit delevit funditus illos,  
Vt regni magnas solus haberet opes.  
Vix elapsus erat decursis mensibus annus,  
Ex quo relliquias condidit ille Patris.  
Ecce Caledonijs Haquinus venit ab oris ,  
Qui satus Horfagrio de genitore fuit.  
Hunc populus Regem , regni procuresq̃, creabant  
Illis invisus namq̃, Blodoxus erat.  
Extremos quare ventis dans vela Britannos  
Exul adit , tota concomitante domo.  
Illic ex rapto vixit dum vixit , & illic  
Nunc interfecti membra sepulta jacent.*

**HAQVINVS ADELSTENO**  
**HARALDI HORFAGRII**  
**nothus III. Rex Norvegiæ.**

**R***Exit Adelfteno rerum incuipatus habenas,  
Vir bonus & veræ Relligionis amans.*



Sedulus ergo operam dedit in conventibus illis,

*Vt populus sacris perlueretur aquis.*

Salvisicogq; darent omnes sua nomina Christo,

*Et colerent summi sacra statuta Dei.*

Sed voti compos non fit, nolente Senatu

*Exuere antiquos Numina vana Deos.*

Jura ministravit cunctis tamen aqua, deditq;

*Pramia pro factis digna cuiq; suis.*

Hic ubi bis denos regnasset sexq; per annos

*Percharus populo, nobilibusq; suis:*

Navibus instructis (stimulante cupidine regni)

*Adveniunt Nati, magne Blodoxe, tui.*

Vdaq; rostratas torquet ad littora proras,

*Littora quæ sedes Regia juncta fuit.*

Quas simul ac vidit, capit arma, hostesq; necatis

*Haud paucis, cogit vertere terga sibi.*

Sed lethale tulit vulnus fugientibus instans

*Cui frustra medicas applicat ille manus.*

Ergo Grafelderius natus genitore Blodoxo,

*Sceptra capit patruo dante gerenda suo.*

His actis, moritur Rex optimus illius ævi,

*In Stimo cujus membra sepulta cubant.*

Hunc omnis fato populus deflevit ademptum,

*Ingeminans mastis talia verba sonis.*

Accipiet talem nunquam Norvegia Regem,

*Illi vix similem secula multa dabunt.*

Quinquaginta novem post incunabula CHRISTI,

*Implerant cursum secula novemq; suum.*

HARALDVS COGNOMENTO  
GRAFELDERUS, ERICI BLO-

D O X I filius, IV. Rex Nor-  
vegiæ.

**P**ateruus ex vita postquam decessit, Haraldus  
Imperij letus frena petita tenet.  
Hic Iarlum flammis (matre instigante) Sivardum:  
Absumpsit, patrem, fortis Haquine, tuum:  
Hoc ubi forte tuas perlatum venit ad aures,  
Nidrosiam cogis Marte subesse tibi.  
Vig, tenes, genitor quam strenuus ante tenebat,  
Pacis Adelftena cum superesset amans.  
Rex igitur totum statuens sibi subdere regnum,  
Contrahit ex varijs agmina densa locis.  
Navigat inde petens Vigiam, qua bobus abundat.  
Pinguis, ubi large semina reddit ager.  
Hic improvisus Trygonem cadit Olai,  
Inter convivandum sedet ille suos.  
Te quoq, Biornonis soboles Gudrode trucidat,  
Westfollos certa qui ditione tenes.  
Hinc petijt ventis naves comitantibus urbem,  
Qua jacet ad ripas frigide Nida tuas.  
Mox fugit ipse suis diffidens Iarolius armis,  
Hoste petens Cimbras approperante suo.  
Postea cum Danaum facturus mutua rege,  
Verba Grafelderus per mare vela dedit.  
Jamq, sinus Limviga tui subit ostia tutus,  
Omnia securus, nil metuensq, mali.  
Ecce Gulbarraldus, nil quicquam tale timentem,  
Aggreditur, miseris interimitq, modis.  
Tunc Rex majori cecidit cum parte suorum  
Imperij fasces qui tria lustra tulit.

HAQUI.



HAQUINVS IAROLVS GOR-  
MONIS filius, V. Rex Norvegiæ.

Morte Grafeldero raptō, succedit Haquinus  
Iarolus, auxilio, fortis Haralde, tuo.  
Qui Gormonis eras proles generosa Monarcha,  
Tota sub Imperio Dania cuius erat.  
Namq; Gulbarraldum duro certamine vicit,  
Et victi laqueo colla ligare iubet.  
Exultansq; animo Spolijs ornatus optimis,  
Norvagici repetit dulcia rura soli.  
Tranquillâq; suos populos in pace regebat,  
Dum licuit, nullo bella movente duce.  
Temporis interea veniunt duo forte Gigantes  
Iulino, armata concomitante manu.  
Excipit intrepidè venientes strenuus armis  
Iarolus, & letho corpora multa dedit.  
Inq; fugam victos coniecit fortior hostes.  
Maxima pars quorum cade perempta fuit.  
Hæc regi magnam peperit victoria laudem,  
Nemoq; non illi bella movere timer.  
Ilius Harraldus Gronschæus tempore vixit,  
Gronschæus genitor Martyr Olæ tuus.  
Et circa Asiojam populum cum laude gubernat.  
Imperij consors par & honore simul.  
Is petijt Sueonum Reginam rite vocatus  
Sumere magnificas, vinâq; pura, dapes.  
Liberiusq; bibit metuens nil ille pericli,  
Verbaq; de varijs plurima rebus habet.  
Verba, quibus bilem Domine movet inscius hospes,  
Ut sit cum nimio membra liquore madent.  
Quapropter curat vino somnoq; sepultum  
Absumi flammis, nocte silente, virum.

*Ebrietas patulas profert reticenda sub auras ,  
 Exitio magnis sepè fuitq; viris.  
 Audijt ut solum Tryggonis Olau. Haquinum ,  
 Sceptra tenere , rates instruit arte bonas.  
 Nidrosiamq; petit, ventis comitantibus urbem ,  
 Finitimam ripis frigide Nida tuis.  
 Iamq; intrant portum Zephyro spirante petitum ,  
 Et sistit celeres anchora jacta rates.  
 Forte Medelhusi convivæ recumbit Haquinus ,  
 Et positis curis gaudia latus agit.  
 Gaudia latus agit , sed parvo tempore , rumor  
 Nunciat hostilem proximè adesse manum..  
 Quid faceret , raptam stupraverat ante maritam  
 Alterius , sædo captus amore nimis.  
 Hinc odio Regis populus flagrare nefando  
 Capit , & imperij nolle subesse jugo..  
 Diffidens igitur subjectis , arripit unà  
 Pracipitem famulo cum fugiente fugam..  
 Et pariter rupem subrepunt ambo cavatam ,  
 Hinc rupem IARLI, sæcula nostra vocant.  
 Victa sub hac placido dat herus sua lumina somno ,  
 Corporis ut dulci membra quiete levet.  
 At ubi stertentem Charcherus vidit , acuto  
 Incidit cultro , perfidus , ecce gulam..  
 Abscissumq; suo portat caput impius hosti,  
 Sperans apprimè munera magna sibi.  
 Quod simul ac factum crudele audit Olau ,  
 Interfectori præsecat ense caput.  
 Sic pereant Dominos qui gaudent fallere servi ,  
 Et capiant meritis præmia digna suis.  
 Jarolus è veteri prognatus stemmate Regum ,  
 Vir sapiens , audax , miles & acer erat.*

*Numina*

*Numina sed coluit pro vero Numine vana,  
Errans hoc illi caussa perire fuit.  
Namq; rudem voluit gentem DEus ipse doceri,  
Semita sydereas qua sit ad astra domos :  
Imperium tenuit vixenos Iarolus annos ,  
Eccellens armis , divitijsq; potens.*

## OLAVS TRYGONIS FILIVS

VI. Rex Norvegiæ.

**P**OST hunc occisum, soboles Trygonis Olaus,  
Imperijs populo sceptrâ volente capis.  
Danicus à teneris quem Rex eduxit honestè,  
Præfectum regno constituitq; suo.  
Russia quem, frugumq; ferax Germania vidit,  
Iunctum magnificis eximijque viris.  
Illius intrepidum cor & Marvortia virtus,  
Cognita sub signis sunt Otho Magne tuis.  
Inde feros petijt - conscensis navibus Anglos,  
Hybernosq; truces per mare vectus adit.  
Quaq; venit pagos opibus spoliavit & urbes,  
Et sibi magnificas accumulavit opes.  
Illic & vitæ sociam sibi fœdere jungit,  
Hac Irlandorum filia Regis erat.  
Hic aliquot socia cum conjuge substitit annos,  
Producens, socero sic cupiente, morant.  
Fama volans donec totam parere referret  
Norvagiâ soli fortis Haquine tibi.  
Mox repetit patrios (cecini velut ante) penates,  
Fugerat occiso quos genitore prius.  
Tunc gentilis erat Norvegia tota, suosq;  
Confectos coluit Numina vana DEos.

Sed mutat mores, falsosq; relinquit (Olaus  
Sub capitis pena precipiente) Deos.  
Et lustrata sacris Christo dat nomina lymphis,  
Qui voluit nostri criminis ergo mori.  
Postea Nidrosam fundavit conditor urbem,  
Que jacet ad ripas frigide Nida tuas.  
His actis Sueonum Reginam ambibat Olaus,  
Sigrida nomen quam tenuisse ferunt.  
Comparere igitur statuunt Congelvia in urbe,  
Et de conjugio mutua verba loqui.  
Ver erat & varios fundebat terra colores:  
Conveniunt dicto, ceu statuere, loco.  
Hic prœcus excepit reginam latus honestè,  
Et verbis illi talibus usus ait.  
Si Regina potens sacro vis fonte rigari,  
Intrabis thalamos sponsa petita meos:  
Illa refert, sacro lustrari flumine nolo,  
Nec volo Majorum destituisse fidem.  
Tu retine quamcunq; voles retinere, mearum.  
Non volo majorum destituisse fidem.  
Sic heros irâ commotus reddidit: an tu  
Credis gentilem me voluisse canem?  
Et simul illius ferit illo tegmine frontem  
Quod Græcis dici Dactilotheca solet.  
Mox ea surrexit flagranti concita bile.  
Discessitq;, minans fata, necemq; viro.  
Hæc tibi luctificam pariet percussio mortem,  
Forsan & optabis non tetigisse genam.  
Postea Sigridam thalami sibi sedere junxit  
Sueno, sub imperio Dania cujus erat.  
Tum Burislao parebat Vandala tellus,  
Annis confectus qui senioq; fuit.



Huic licet invitam transmisit Sueno Sororem,  
Quam cupijt thalamo jungere ritè Ducis.  
Non cibus ora parat, nec pocula plena falerno,  
Rege minus Thyra, displicuitq; nihil.  
Ejus enim niveis albebant tempora canis,  
Et non in sacro flumine tinctus erat.  
Iccirco furtim digressa petebat Olavum,  
Terra sub imperio Norrica cujus erat.  
Vt vidit, visa flagrabat amore puella,  
Illius & thalamos sponsus inire cupit.  
Annuit illa viri votis ardentibus ardens,  
Et dat conjugij spemq; fidemq; sui.  
Gaudia Nidrosia celebrant Hymeneia lati,  
Cum decus amittunt terra nemusq; suum.  
Postea Wandalia Regem visurus adornat,  
Classẽ ( Regina sic cupiente ) suam.  
Vt res illius secum ferat inde relictas,  
Sed quidnam porro fit mea Musa refer.  
Hac ubi fama volans Sigrida venit ad aures,  
Persuadet charo bella gerenda viro.  
Persuasus Regi Sueconum mox scribit Olao,  
Vt sibi suppetias auxiliumq; ferat.  
Et petit auxilijs ut se juvet acer Ericus  
Iarolus, Haquino de genitore satus.  
Is cum germano patriam Suenone coactus  
Fugerat, & Sueco fœdere junctus erat.  
Ergo ubi maturis Campus flaveret aristis,  
Et caderet passim falce resecta Ceres.  
Protinus adducunt numerosum militis agmen,  
Inq; ferunt vires bella gerenda suas.  
Vt venere rates Sueno mox instruit inde,  
Vandala conjunctis viribus arva petunt.

*Suallenſi cecidit prora comes anchora portu,  
Et ſiſtit volucres firma tenaxq; rates.  
Iamq; domum properans dat Olauſ lintea ventis,  
Illic hoſtiles neſcius eſſe manus.  
Cumq; intret portum pulſantibus æquora remis,  
Protinus armatas vidit adeſſe rates.  
Mox celeremq; fugam quidam ſuaſere Monarcha,  
Pars quia non præſens maxima claffis erat.  
Aſt heros nulla mentem formidine preſſus,  
Illis reſpondens talia verba reſert:  
Nunquam terga dedi, neq; jam dabo terga fugatus,  
In Domini ſors eſt & mea vita manu.  
Sic ait, & denſos vita contemptor in hoſtes  
Irruit, aduerſas enſe fugatq; rates.  
Inferiorq; diu numero tres ſuſtinet unus,  
Probroſam nolens arripuiſſe fugam.  
Aſt ubi maiorem, mutata ſorte, peremptam  
Conſpexit partem militis enſe ſui,  
Proſilit in pontum conſeſtim puppe relicta,  
Vitaq; luctifica morte ſoluta fugit.  
Sic poſtquam luſtro faſces tenuiſſet Olauſ,  
Submerſus vitam finiit ille ſuam.  
Hoc duce jam ſacris tincta eſt Norvegia lymphis,  
Quo dedit impietas vindice pulſa fugam.  
Ille eſt, (ſi neſcis) Nidroſia conditor urbis,  
Finitima ripis, Nida profunde, tuis.  
Rege ſub hoc noſtram docuit ſacra dogmata gentem,  
Angliſ Bernhardus progeneratus avi.  
Hic etjam ſacro Baptiſmate lavit Olauum,  
A te Chriſte jubens tradita juffa ſequi.  
Tunc curſum implerant poſt partum virginis annū,  
Nonaginta novem, ſecula novemq; ſuum.*



# ERICVS IAROLVS HAQVINI

Filius VII. Rex Norvegiæ.

**U**T vitam liquidis efflavit Olaus in undis,  
Norrica quo vidit fortius ora nihil.  
In partes Regnum sibi distribuere Monarchæ,  
Divisi partem quisq; tulere suam.  
Magnanimus regni moderatur Ericus habenas,  
Et cum Germano, jura dat aqua, suo.  
Qui quamvis essent persusi fonte salutis,  
Cura tamen parva his religionis erat.  
Nil igitur mirum, quod destituere sacratam  
Maxima pars plebis cum pietate fidem.  
Postquam bis senos regnasset Ericus in annos,  
Committit nato, sceptrum gerenda, suo.  
Inde Calidonas cum classe profectus in oras,  
Te juvat auxilijs, magne Canute, suis.  
Ardua Londini capit tum mania victor,  
Quod jacet ad Thanysis praterirentis aquas.  
His actis, illi columella sectio mortem.  
Attulit, ante suum sic perit ipse diem.

## HAQVINVS ERICI ET SVE- NO Patruus IIX. & IX. Reges Norvegiæ.

**P**OST obitum chari genitoris, filius annos  
Cum Patruo tenuit tradita sceptrum duos.  
Hoc ubi perlatis rumoribus audit Olaus,  
Cui pietas Sancti nomen habere dedit.  
Angliacas linquit conscensis navibus oras,  
Et repetit patriæ, dulcia rura, sua.  
Ut redijt, reges, peregrinis viribus auctus,  
Expulit, & populo sceptrum favente capit.

D

Pulsus

Pulsus adit Sueno Suenones, Haquine Canutum,  
Accedis, frater nam genitricis erat.

S. OLAVS HARALDI GRON-  
SCHÆI Filius Cognomento CRASSUS,  
X. Rex Norvegiæ.

**R**egibus expulsis, regnum sortitur OLAVS,  
Qui cultor veræ religionis erat.

Nidrosiæ magnis extraxit sumptibus adem,  
Quam Clementinam secula nostra vocant.

Ignibus eversam violentis funditus urbem  
Restaurat, sedem figit ibiq; suam.

Quo mandante sacris populus conversus in undis  
Tingitur, & nomen dat tibi Christe suum.

Omnibus exitium, mortemq; minatur acerbam,  
Qui sua detrectant iussa verenda sequi.

Regulus id patulis Roricus ut auribus haussit,  
Hedmarchos certa sub ditione tenens.

Conspirat contra, tecum Gudrode, Monarcham,  
Cumq; alijs, ipsum qui superesse dolent.

Quid sit? securis nihil & metuentibus illis,  
Rex venit armata se comitante manu.

Et conjuratos vinclis constringit, inundat  
Hic ubi Ringsagricos Mosa profundus agros.

Gudrodum lingua, Roricum lumine privat,  
Sic ambo pœnas, quas meruere, luunt.

Sed natale solum reliquos mutare cœgit,  
Inq; peregrinis quarere tecta locis.

Roricus semper sequitur comes inde Monarcham,  
Illi conjunctus Sanguine namq; fuit.

Sed quia cultello tentat dare vulnere Regi  
Astanti sacris, vincula dura tulit.

Islandisq; ideo servandus mittitur idem,  
Nunc ubi defuncti corporis ossa cubant.

Post hac exoritur bellum, quod movit Olavus  
 Fonscho, qui tenuit Suetica sceptrapotens.  
 Nunc Sueones nostris sævi grassantur in oris,  
 Ruricolas opibus dispoliantq; suis:  
 Nunc Suetico nostri grassantur in orbe vicissim,  
 Et dant in varijs maxima damna locis.  
 Pax tandem facta est, Soror & Fonschonis Olav  
Legitimo sacri fœdere junctæ thori.  
Vtraq; gens leto testatur gaudia plausu,  
Et dat lætitiæ plurima signa nova.  
 Postquam districtos Bellona recondidit enses,  
 Sævæq; finito prælia Marte silent,  
 Totius lustrat regni loca, scire laborans,  
 An colerent verâ religionem D.E.V.M.  
 Quos fecisse suis audit contraria jussis,  
 Dant illo penas præcipiente graves.  
 Propterea patrios procerum pars magna penates  
 Mutant, Cnutonem navigioq; petunt.  
 Illic se patrijs queritantur sedibus actos,  
 Et non per Regem pacem licere frui.  
 Malleq; se dicunt omnes parere Canuto,  
 Pro libitu ut faciant fœda nefanda suo.  
 His motus, magnum contraxit militis agmen,  
 Norvagiam cupiens subdere Martem sibi.  
 Audijt ut Crassus (famam referente) Canutum  
 Colligere armatos agmina densa viros.  
 Auxilium implorat Suecorum Regis Amundi,  
 Qui Fonschone satius de genitore fuit.  
 Inde petunt Danos instructis classibus ambo,  
 Pagos devastant & populantur agros.  
 Scanica Rex Sueonum; Selandica vastat Olavus  
 Prædia, vulcano tecta furente ruunt.

Interea veniens ingenti classe Canutus,  
Suppetias Danis, auxiliumq; tulit.  
Est statio profugis aptissima navibus amnis,  
Qua subit aquoreas Helga sonorus aquas.  
Hic aliquot nostri noctesq; diesq; morantur,  
Venturos hostes undiq; fama refert.  
Milite mox sylvam transit comitatus Olaus,  
Invenitq;, amnis profluat unde lacum.  
Ostia congestis lignis & cespite multo.  
Obstruit, & cursum continuare vetat.  
Inq; lacum fodiens rivos deduxit, & amnis  
Sic subito ductis accumulavit aquis.  
Exundansq; suo latè omnia gurgite complet,  
Prata natant, valles herbiferæq; natant.  
Appulit his actis instructa classe Canutus,  
Victor ut hostiles occupet arte rates.  
Protinus è portu Sueonum Rex solvit Amundus,  
Exhortans socios in fera bella suos.  
Sed sævo Danus concurrere noluit hosti,  
Sol erat hesperias nam subiturius aquas.  
Demissis igitur subit ostia remige velis,  
Et sistit volucres anchora jacta rates.  
Forte manus Danaum navès egressa sub ortu  
Aurora, pedibus littora grata premit.  
Mittitur extemplo, Regi qui nuntiat hostes.  
Advenisse; rates & religasse suas.  
Mox dedit aggeribus ruptis erumpere flumen  
Crassus, ut hostilem perderet arte manum.  
Hocce ruit magno sonitu, magnaq; fragore,  
Et secum spumans obvia quæq; rapit.  
Hostes ad ripam spaciaantes obruit omnes,  
Atq; sub horrifonas vortice torquet aquas.

Brachia



*Brachia nequicquam feriunt luctantia fluctus.*

*Prospuit hic illis fortibus esse nihil :*

*Namq; mari sese cumulatís fluctibus infert ,*

*Cum fremitu volvens , corpora , ligna , trabes.*

*Flumine mox poto , multa ( miserabile visu )*

*Merguntur naves , intereuntq; viri.*

*Sed pars districto feriunt retinacula ferro ,*

*Præcisís , vita consulere sua.*

*Anno Norvagian petít inde Canutus eodem ,*

*Navibus , & regni sceptrá gerenda capit.*

*Quæ dedit Hacquino Iarló ( fuit ille sororis*

*Filius ) in patriam vela daturus humum.*

*Hic postquam rerum moderamina cepit Olavum*

*Expulit , expulsus quo veniente , fuit.*

*Ergo Ruthenorum fugiens petít ille Monarcham ,*

*Iarlenum , tota concomitante domo.*

*Proxima cum campos ornaret floribus æstas ,*

*Et decorata suis frugibus arva forent.*

*Iarolus occiduos vento petít ipse Britannos ,*

*Advehat ut sponsam navibus inde suam.*

*Quid sit ? cum socijs perit ille furente profundo ,*

*Cum daret ad patrios lintea versa Lares.*

*Hoc ubi Biornoni perlátum venit ad aures ,*

*Stallero Regis , qui Marechalcus erat.*

*Accessit Russos vectus properante Caballo ,*

*Insanis mersum fluctibus esse refert.*

*Rex igitur cupiens solio , sceptrisq; potiri ,*

*Patria , conscripto milite , rura petít ,*

*Vi Stavum ducens tria millia venit Olavus ,*

*Digerit armatos ordine ritè viros.*

*Mox Sticlestadium properans tendebat , & hoste*

*Conspecto , fecit talia verba suis.*



Nos quamvis superent numeroq; & viribus hostes,  
 Nostra tamen nullo corda pavore tremant.  
 Quisquis recta facit cultor pietatis & equi,  
 Huic fert suppetias, auxiliumq; **DEVS.**  
 Non semper vincit, numero qui vincere fertur,  
 Victorem pietas, iustaq; causa facit.  
 Nunc Christiꝝ, cruciꝝq; viri, Regiꝝq; viri nunc  
 Procedant, ipsis Symbolon illud erat.  
 Dixit, & intrepidus densos prorumpit in hostes,  
 Quos decies numero mille fuisse ferunt.  
 Concurrent acies, multi caduntur utrinq;  
 Terraq; fumanti sparsa cruore rubet.  
 Tunc satus antiquo Tosianus stemmate, Sancti  
 Fatifero Regis vulnerat ense genu.  
 Sanguinis erumpit torrens, gladiumq; cruentum  
 Abijcit, (hic Neither nomine dictus erat.)  
 Saxoꝝq; incumbens palmas ad sidera tendit,  
 Commendans summo se precibusq; Deo.  
 Hundus in orantis condebat viscera ferrum,  
 Sed gladio sævus guttura Calvo ferit.  
 Mox heros animam per vulnera reddidit, annos  
 Quindenos regni cum tenuisset opes.  
 Tunc à Virgineo partu quadriennia septem  
 Implerant cursum denaq; secla suum.  
 Si tanti Herois monumentum forte requiris,  
 Condita Nidrosiæ corporis ossa iubant.  
 Exitus hic tanti fuerat finisq; Monarchæ,  
 Vix unquam major quo pietate fuit.  
 Pacis amans, placidâ populos in pace regebat,  
 Dum licuit, melius qua nihil orbis habes.  
 Impavidus subiit dubij discrimina Martis,  
 Pro patriâ quoties bella gerenda forent.

Testis erit rigido durissima Succia ferro.  
 Et bobus dives Dania testis erit.  
 Regis Adelrodi tres annos vixit in aula,  
 Inter Magnificos primus honore viros.  
 Seva sub illius miscentem praelia signis  
 Vidit frugiferis Anglia dives agris.  
 Consilijsq; utens prudentum condidit aquas  
 Leges, subjectis justaq; jura dedit.  
 Multa recognoscens addebat legibus, atq;  
 Dempfit, Adelsteno quas bonus ante tulit.  
 Quae sunt in magno pretio, semperq; manebunt.  
 Donec iustitiae nobile nomen erit.  
 Parva loquor: vera flagrans pietatis amore,  
 Hostibus hic Christi maximus hostis erat.  
 Multaq; consilijs Grimchili praesulis usus,  
 Sancijt in laudes optime Christe tuas.  
 Hic jus Christiadum statuit, gentemq; rebellem  
 Cogit saluificis tingere corpus aquis.  
 Insuper Islandis, alijsq; gentibus illo  
 Auspice sunt verbi dogmata sparsa Dei.  
 Singula quid referam? cultus abolere profanos  
 Divorum, Regi maxima cura fuit.  
 Salve Dive Heros, regum celeberrime salve,  
 Sceptra sub arctoo qui tenuere polo.  
 Sydera dum voluit calum, tua gloria vivet,  
 Semper erit nomen, fama, decusq; tuum.

Conclidit hic tua Saxo.  
 burgi marica firma,  
 In quo Grammatica  
 prima obiecta bibi.

## SVENO CANVTI MAGNI

Regis Daniae Filius, XI. Rex Norvegiae.

O Ciso CRASSO succedit Sueno Canuti,  
 Et gestanda brevi tempore sceptra capit.

*Is simul ac rerum cepit moderamina, leges  
Abrogat antiquas, constituitq; novas.  
Duriter & iuste procerum populiq; querentis  
Fngens odium contrahit ille sibi.  
Nobilitas igitur Magnates taxat. Olauum  
Perdere, qui regem consulere pium.  
Quam vobis dederat Rex munera magna Canutus,  
Promissis fecit non satis ille suis.  
Bella quod unanimes regi movistis Olao?  
Quam bene promissis Cnuto stat iste suis.  
Consultant igitur, qui possint pellere regno  
Suenonem, miseris vel jugulare modis.  
Non perfecit enim promissa, nec alius illos  
Evexit, sicut pollicitatus erat.  
Quapropter Calvo bellator, & acer Enarius  
Tambeschelverus Russica regna petunt.  
Et Magno authores sunt, ut sibi fortibus armis  
Conetur patriam conciliare suam.  
Utq; suo posset Suenonem pellere regno,  
Jurantes certam pollicitantur opem.  
His rerum incubuit magnarum cura duobus,  
Nam caput ingenue nobilitatis erant.  
Rex igitur patrij stimulante cupidine regni,  
Contraxit Suetico Magnus in orbe manum.  
Nidrosiamq; sero stipatus milite recta  
Contendit, vires auxit ibiq; suas.  
Ut Magnus magna venit comitante Phalange,  
Mox cepit celerem Sueno parare fugam.  
Nil etenim fudit populo, cui durus & asper,  
Tradita cum regni sceptrum teneret, erat.  
Sic ferus imperio quinos quod gesserat annos  
Excidit, & patriam classe petebat humum.*

# MAGNVS DIVI OLAI FILIVS,

Cognomento BONVS, XII. Rex

Norvegiæ.

**D**esignat Regem, pulso Suenone, Senatus  
Magnum, qui magnus nomine reg. fuit.  
Dania tum Regi parebat tota Canuto,  
Cognomen duri quem tenuisse liquet.  
Ambo iubent validas armari in bella cohortes,  
Et cogi armatas, vere sequente, manus.  
Ambo collatis statuunt configere signis,  
Quâ subit aquoreis Albia purus aquis.  
Bahusumq, suis arcem complectitur ulnis,  
Quæ jacet in celso vix capienda loco.  
Huc ubi florentes annis vernantibus ambo  
Venerunt, magnâ concomitante manu.  
Vtraq, nobilitas pacem suadere laborat,  
Regibus & bellum composuisse studeo.  
Persuasi faciunt inter se fœdera pacis,  
Factaq, pax tali conditione fuit.  
Vt superexistens regno frueretur utroq,  
Proles defuncti si modo nulla foret.  
Hoc juramento pactum firmabat, uterq,  
Illud confirmat nobiliumq, chorus.  
Cum magnus septem tenuisset sceptrâ per annos,  
Acceptus plebi, nobilibusq, suis.  
Deseruit, moriens Lumen vitale Canutus,  
Tota sub imperio Dania cujus erat.  
Hoc ubi perlatum Regis pervenit ad aures,  
Instructa Danaum classe petebat humum.  
Imperij cepit fasces & Sceptra relicta,  
Cum sine defunctus prole Canutus erat.



*Acciti coeunt proceres, regemq; salutant,  
 Et dant imperij Sceptra gerenda viro.  
 Viburgi, caput (procerum presente corona)  
 Fasces, & forti sceptrum ferenda manu.  
 His actis, Regno Suenonem perficit ille  
 Estricium, patrij rura petitq; soli.  
 Callidus hic Sueno procerum populiq; favorem  
 Totius studuit conciliare sibi.  
 Et regni aspirans ad sceptrum fœdera frangit,  
 Nec tenuit Regi quam dedit ante fidem.  
 Vrbs in Vandalia longè celeberrima Magni  
 Tempore, Iulinum turba propinqua vocat.  
 Ampla situ, circumductis firmissima muris,  
 Marte potens, opibus splendida, clara viris.  
 Excutit illa jugum Danisq; subesse recusat,  
 Confidens opibus, militibusq; suis.  
 Audijt ut Magnus, numerosum militis agmen  
 Cogit, Iulini classeq; vectus adit.  
 Terruit adventu cives, urbemq; locatis  
 Turrigeram castris obsidione premit.  
 Expugnat tandem superatis civibus urbem,  
 Et parere suo compulit imperio.  
 Ignibus absunit Pagos, metit obvia ferro,  
 Tecta ruunt, passim corpora strata jacent.  
 Inde petit Danos spolijs ornatus opimis,  
 Milite demisso necit ibiq; moram.  
 Vandalus interea validas in bella phalanges  
 Armatus, & Holsati ducit in arva soli.  
 Namq; ulciscendi stimulis ardebat, & ira,  
 Statq; animo fixum reddere Marte vicem.  
 Rex igitur multo se rursus milite firmat,  
 Et se victorem spes fore certa fuit.*

*Namq;*



*Namq̃ videbatur cum membra quiete levaret,  
Stravisse hostiles ense furente manus.  
Sape futura pijs infundit rector Olympi,  
Languida cum dulci membra quiete levant.  
Adjuvat auxilijs Regem fortissimus heros  
Ottho, qui princeps Brunopolensis erat.  
Huic Vluilla soror Magni praeclara Monarcha,  
Sacro connubij fœdere juncta fuit.  
Quà spectanda jaces tectis Slesviga superbis,  
Vrbs antiqua, situ pulchra, virisq̃ potens.  
Excepit strictis adversos ensibus hostes,  
Corpora victrici multa necatq̃ manu.  
Vt leo magnanimus reliquisq̃ animantibus horror.  
Invadit validas lata per arva boves:  
Haud aliter Magnus, furibunda percitus ira,  
Prosternit gladio proxima quaq̃ truce.  
Viq̃ secant spicas messorum sole perusli:  
Sic hostes Magno percutiente cadunt.  
Multa jacent passim miseranda cadavera campis,  
Sparsaq̃ Vandalico sanguine terra rubet.  
Donec ad extremum quindenis millibus hostes  
Occisis celeri dant sua terga fuga.  
Postea miscentem ter vicit praelia Magnus  
Estritium, cogens vertere terga fuga.  
Ergo petit Sueonum profugus ditissima regna,  
Affectans regnum, traxit ibiq̃ moram:  
Tantisper Magnus dum viveret inclytus heros,  
A quo, bella movens, ter superatus erat.  
Hæc Magno magnam peperit victoria laudem,  
Illius & toto nomen in orbe volat.  
Paulo post vidit morientem Cimbrica tellus,  
Qui tamen æternum vivere dignus erat.*

Percharus populo, cælo charissimus heros,  
Annos regnavit binaq; lustra duos.  
Porrigit ad Nidæ quæ se Trondemia ripas.  
In Clementinâ conditus ade jacet.  
Rex fuerat Magnus nulli bonitate Secundus,  
A quâ conveniens nomen adeptus erat.  
Illo nil probius, nil munificentius illo,  
Nil eodem majus Norgica terra tulit.  
Huic populus, regni procuresq; ex corde favebant,  
Sæpe quibus varijs profuit ille modis.  
Hunc Magnum reliquis major coma significavit,  
Haldane in Somnis quæ tibi visa fuit.  
Sicut enim viridem tetigit longissima terram,  
Et vicit reliquas magna nitensq; coma:  
Sic reliquis idem regnavit latius armis,  
Major in Arctoo nullus in orbe fuit.  
Vandalus & Saxo testantur, millia quorum  
Multæ dedit victor Marte favente neci.  
Sæpe jocabatur cum charis latus amicis,  
Fallens jucundis tempora longa jocis.  
Illum magnificis ornabant laudibus omnes,  
Inq; oculis dignum quisq; tulere suis.  
Quid moror in parvis? magnus sub pectore Magni  
Flagravit sacra religionis amor.  
Ergo prius Sarpus mutabit Nidæq; cursum,  
In vada qui rapidis salsa feruntur aquis:  
Quàm Magni famam delebit longa vetustas,  
Gloria quàm tanti mortua Regis erit.

HARAL-

HARALDUS Cognomen-  
to HARDRADVS i. e. DVRVS, SI-  
GUARDI SIRI Filius, & Frater Sancti O-  
LAI uterinus, XIII. Rex  
Norvegiæ.

**H**Eros magnanimus Magno successit HARALDVS,  
Imperij consors qui tamen ante fuit.

Hic adiit vitæ numerans tria lustra Ruthenos,

Illic Virtutis dat documenta sua.

Namq; sub auspicijs Iarleni pralia sæpe

Miscuit, & fuso victor ab hoste redit.

Illic permultas arces expugnat & urbes

Munitas, magnum promeruitq; decus.

Hinc ad Byzanti tendens profiscitur urbem,

Classi Regine præficiturq; Zoës.

Tum petit instructis sitientes navibus Afros,

Ducit ubi longam, bella geritq; moram.

Illic vicenas quater urbes cepit & arces,

Illic immensas & cumulavit opes.

Congeriemq; auri servandam misit amicis,

Quos fovit duris Russia plena viris.

Hinc adiit Siculos ventosa per æquora vectus,

Agmineq; immisso depopulatur agros.

Hinc ad Trinacrium multas quæ possidet urbes

Navigat, adventu terrificatq; suo.

Adde quod antiquam Solymorum viderit urbem,

Quæ fuit in toto pulchrius orbe nihil.

Quodq; sacro dederat non munera parva sepulchro.

Unde resurrexit filius ipse Dei.

His actis, clarus repetit Byzantia victor

Mænia, quæ nostro tempore Turca tenet.

Vt redijt victor spolijs oneratus opimis ,  
Vinctus Manomacho præcipiente Rege .  
Quid fuit in causâ ? vinclo sociare jugali  
Reginam prorsus noluit ille sibi .  
Attamen hæc aliam prætendit callida causam ,  
Nimirum raptas quod sibi servet opes .  
Expetere illius ne quis connubia credat ,  
Tam mulier cautè rem gerit ecce suam .  
Sed quadam dives dimisso fœmina fune ,  
Liberat inclusum nocte silente ducem .  
Nec mora , se socijs cum fidis armat , & ades  
Expugnat , somnum Rex ubi forte capit .  
Evulso rigidi procumbunt cardine postes ,  
Effractis foribus Monomachumq; capit .  
Monomachum , cuius mandato in carceris umbras ,  
Missus cum famulis ille duobus erat .  
Lumine restrictum vinclis privavit utroq; ,  
Lumina ne solis clara videre queat .  
Sic ultus Regem , patrias remeavit in oras ,  
Norgica cum patruo regna regitq; suo .  
Iuraq; cum Magno dedit inde reversus , & anno  
Elapso , solus regia sceptrâ tener .  
Magnus enim moriens lumen vitale reliquit ,  
Quo majus vidit Norgica terra nihil .  
Postea Cymbrorum devastat plurima ferro  
Prædia , permultas & cremat igne domos .  
Afflicti misere plorant sua damna Coloni ,  
Testantur lachrymis tristitiamq; suis .  
Ignibus evertit Slesvigam funditus urbem ,  
Quæ jacet Holsato conspicienda solo .  
Hæc terra viginti onerat spolijsq; carinas  
Ingentes , rapidis vela deditq; Notis .

Insequit



Insequitur Sueno majori classe Monarcham,  
Non tamen hostiles occupat ille rates.  
Namq; intervallo parvo cum cerneret hostem,  
Hardradus sese classe volante sequi.  
Projicit in salsos tonnas & inania fluctus  
Scrinia, captorum praeipitatq; gregem.  
Quos simul ac vidit fluitantes gurgite summo,  
Expositis Cymbis ferre jubebat opem.  
Interea Hardradus tumido per marmora velo  
Labitur, hostiles hac fugit arte manus.  
Postea Suenoni legato praelia misso.  
Indicit, magnam colligit atq; manum.  
Ut quicumq; ferat palmam potiatur utroq;  
Regno devictis imperitetq; viris.  
Ver erat & volucres mulcebant athera cantu,  
Frondebant Sylva, gramen habebat humus.  
Magnus conscendit bis centum navibus equor,  
Et fortes Danos, per mare vectus adit.  
Obvius excepit venientem Sueno trecentis  
Navibus, Hallandos quâ ferit unda maris.  
Pars procerum regi (conspecta classe Danorum  
Ingenti) suadent accelerare fugam.  
Lintea vertamus nihil est concurrere ferro  
Tam multis, praestat vertere terga fugâ.  
At heros animi plenus, mox talibus insit,  
Arripiam turpem propterea fugam?  
Ante super socium socius cadet, ense peremptum,  
Quam vertam turpi terga probrosa fuga.  
Dixerat extemplo clangor sonitusq; tubarum  
Exoritur, pugna seq; repente parant.  
Pars sinuat arcus, nervis aptantq; sagittas,  
Pars stringunt gladios, corripuntq; suos.

Nec



Nec mora, rostrata concurrunt aquore puppes,  
Et miscent signis pralia sava datis.  
Crudescunt pugna, multi caduntur utrinq;  
Sed Danaum major pars tamen icta cadit.  
Caligat plenus telis stridentibus ether,  
Grandinis in morem qua per inane volant.  
Pars gladijs confossa ruit, pars icta sagittis,  
In foris passim corpora strata jacent.  
Extrahit hic sibi lethiferum de vulnere telum,  
Nequicquam, rivos sanguinis ille vomit.  
Desiliunt alij ponto, jactantq; per undas  
Brachia, sed superest nil nisi triste mori.  
Fluctibus ingentes hominum jactantur acerui,  
Hic fluitat Vivus, mortuus ille natat.  
Corpora miratur Triton fluitantia ponto,  
Et stupet infectas sanguine Thetis aquas.  
Si mihi plura forent cum linguis pluribus ora,  
Attamen haud digne cuncta referre queam.  
Interea Titan exactâ luce reducit  
Noctem, stelliferi signa micantq; poli.  
Ambo tamen rigido pergunt decernere ferro,  
Tanta sitis regni, tanta cruoris erat.  
Plurima per totam contorquens spicula noctem,  
Haradragus letho millia multa dedit.  
Quotq; jacet nervo rapidas stridente sagittas,  
Trajecti ferro, tot cecidere viri.  
Quis stragem illius noctis quis funera fando  
Explicet? ut segetes hostica turba cadunt.  
Nec minor Haquini cades, more ille Leonis  
Perfurit, & ferro proxima queq; metit.  
At ubi se vidit non posse resistere Sueno,  
Navibus amissis septuaginta fugit.

Tunc

*Tunc fugiunt reliqui rapido velocius Euro,  
 Profruit hic illis pluribus esse nihil:  
 Quas nostri prorsus vacuarunt cadibus omnes,  
 Sternentes miseris obvia cuncta modis.  
 Fallitur humanis confidens viribus, hostes  
 Est nihil, adverso vincere velle Deo.  
 Sæpe solet vinci confidens robore multo,  
 Inferior numero vincere sæpe solet.  
 Post hac Asloiam (cujus fundamina jecit,)  
 Præclarus populo victor ovante redit.  
 Illic à multis virtus laudatur Haquini,  
 Haud pauci cujus procubuerunt manu.  
 Ast ubi rex audit Danaum texisse Monarcham,  
 Sternere quem gladio debuit ille suo.  
 Commeritum patriâ cogit decedere terrâ,  
 In fiscum redigit quicquid habetq; suum.  
 Exactis annis post prælia facta duobus,  
 Danus cum nostro fœdera rege facit.  
 Haraldo dives tunc paruit Anglia Iarlo,  
 Vertere Toscanum compulit ille solum.  
 Hic petit Hardradum patrijs exactus ab oris,  
 Adversus fratrem poscit egenus opem.  
 Orat ut Angliacas se classe reducat in oras,  
 Optato pulsum restituatq; loco.  
 Ergo Caledonijs facturus prælia classem  
 Instruit, adq; illos carbasa tensa dedit.  
 Quo simul ac venit ferro grassatus & igne  
 Vulcanus flammis, Mars furit ense ferox.  
 Audijt ut nostros latè grassarier Anglus,  
 Contrahit ingentem protinus ille manum.  
 Congrediturq; ferox hosti, gladijsq; tueri  
 Lethificis patriæ nititur arva sue.*

*Æquo Marte diu pugnatur, utrinq̃, cadebant  
Non pauci, calido sanguine fumat humus.  
Brutigenis tandem Mars auxiliatur, ut hostes  
Sternant, in celerem conijciantq̃, fugam.  
Vidit ut Hardradus stragem, cademq̃, suorum,  
Membratq̃, militie strata jacere sua.  
Irruit in medios expers formidinis hostes,  
Statq̃, animo fixum vincere sive mori.  
Undiq̃, circumstant acies densaq̃, phalanges,  
Includunt regem magnanimumq̃, stupent.  
Obvia lethifero quævis metit ense Leonis  
More furens, aperit cade manuq̃, viam.  
Et quocunq̃, ruit cedunt versa agmina retro,  
Ipsum nam contra tendere quisq̃, timet.  
Ut veniente fugam Boreâ dant nubila cælo,  
Sic quacunq̃, ruit cedere cuncta loco.  
Quisq̃, timet Regi stricto concurrere ferro,  
Est animus nulli conferuisse manus.  
Ergo omnes uni certant dare vulnera telis,  
Tempora quæ circum grandine plura volât.  
Aureaq̃, assiduo cassis scutumq̃, strepebant  
Tinnitu, tantus ferreus imber erat.  
Nec clypeo valuit subsistere rex neq̃, dextra,  
Nil gladius iuvit, nilquæ manus valida.  
Fortiter innumeros igitur dum sustinet unus,  
Trajectus telo Rex volante cadit.  
Vicenot postquàm regnans exegerat annos,  
Exitus hic Regis bellipotentis erat.  
Transvectum tumulo condit Trondemia funus,  
In sacra divæ Virginis ade jacet.  
Tunc mille exacti post partum Virginis anni  
Cum sexaginta terq̃, duobus erant.*

Rex erat Haraldus non belli laudibus ullis  
 Inferior, quorum nomen in orbe viges.  
 Hunc referent gentes varijs Regionibus orta,  
 Et super aternis laudibus astra vehent.  
 Nam procul à patrijs laribus fortissimus heros,  
 Gessit victrici plurima bella manu.  
 Hoc Russi & Græci referent Africq; rebelles,  
 Hoc Siculi fortes, hoc referentq; Dani;  
 Non impunè illi se quis tulit obuius unquam,  
 Pugnantemq; omnes obstupuerè virum.  
 Terga dedit nunquam victus, sed fortiter hostes  
 Sustinuit, nunquam deseruitq; suos.  
 Norvegum dici meruit quapropter Achilles,  
 Et murus patrij præsidiumq; soli.  
 Pulchrius & majus vel munificentius illo,  
 Viderunt Solis lumina clara nihil.  
 Alter ut Æneas terris jactatus & alto,  
 Non vidit patriam per duo lustra suam.  
 Eventu rerum felix sapientior unus  
 Multū, consilijs extiteratq; celer.  
 Corpus procerum, firmum patiensq; laborum.  
 Ac ulnis longum quinq; fuisse ferunt.  
 Imperij valdè studuit protendere fines,  
 Adjicere & regno ditia regna suo.  
 Vnum non laudo, fuerit quod durior aquo,  
 Delicto pœnam convenit esse parem.  
 Adde quod extruxit non parvis sumptibus adem.  
 Quæ de Christipara Virgine nomen habet.  
 Nec non Aslojam fundavit conditur urbem,  
 Quam dirimunt undis flumina bina suæ.  
 Flumina quæ saltas hinc devoluuntur in undas,  
 Quæ subit occiduas Phæbus Ephæbus aquas.



*Parrhasiaq; notat rutilantia Virginis astra.,  
Sex fermè decies inde remota gradas.  
Salve magne heros, si quid mea carmina possint.,  
Delebunt laudes sécula nulla tuas.*

MAGNVS ET OLAVS, COG-  
NOMENTO CHYRRO vel QUERRHO  
i.e. QUIETVS, HARALDI HARDRA-  
DI Filij, XIV. & XV. Reges Norvegiæ.

**P**ost obitum patris Magnus cum fratre tenebat.,  
Annos imperij sceptrâ relicta duos.  
Elapsisq; annis vitam mundumq; reliquit  
Nidrosia, juxta conditus estq; patrem..  
Omnibus acceptus fuerat charusq;, quod omnes  
Assiduè Magno cura juvare fuit.  
Hinc frater solus, solio sceptrisq; potitur,  
Illi cognomen nobile Chyrro fuit.  
Pacis enim studium coluit, fêra bella perosus.,  
Qua nihil utilius maximus orbis habet.  
Pace vigent artes, sacra dogmata pace docentur,  
Pace vigent Leges, Pieridesq; canunt..  
Tuncq; suo pingues invertunt vomere glebas,  
Agricola, & segetum sanora magna metunt..  
Oppida nulla suis viduantur pace colonis,  
Et nullus metuit tutus ab hoste necem..  
Nulla jacent unquam prostrata cadavera campis,  
Occisum queritur nulla marita virum..  
Nemo videt flammis eversas funditus urbes,  
Tristia natorum funera nemo videt..  
Non gemit abreptos mater sua pignora natos,  
Ad fœdum rapitur nulla puella stuprum..

*Nemo*



Nemo videt fuso conſperſos ſanguine campos;  
 Nemo peregrino captus in ore dolet.  
 Non ullus populatur agros, aut deripit urbes,  
 Carpit iter metuens hoſpes ab hoſpite nil.  
 Exdere tunc paſſim thalami junguntur amantes.  
 Tunc intrat ſponſi, ſponſa cubile ſui.  
 Ergo colant Reges pacem ſera bella peroſi,  
 Ulla laceſſiti nec niſi bella gerant.  
 Sed quo digredior? ſtudioſè commoda regni  
 Quæſiuit patria; nam pater ille fuit.  
 Ornavit patrias tectis ſublimibus urbes,  
 Cultibus utq; novis hæſce nitere facit.  
 Sumptibus immenſis Bergenſem condidit urbem;  
 Quæ ſua de duro nomina monte tenet.  
 Illic & ſummi poſuit fundamina templi,  
 Turri quod tangit ſydæra cæſa ſua.  
 Majorem reliquis pompam ducebat Olaus,  
 Cum caperet lautos ſercula grata cibos.  
 Rege ſub hoc aula patruus ſordebat amiëtus,  
 Ridiculâ & qui viſ corpora veſte tegit.  
 Eſt locus Haubogum dicunt, quæ Vigia fluctus  
 Audit, & irati murmura crebra maris.  
 Hic ubi bis denos & ſex regnaverat annos,  
 E vivis ceſſit, deſeruitq; ſuos.  
 Virginis à partu, tres anni mille novemq;  
 Tunc curſum impleant luſtra bis octo ſuum.

MAGNUS BARFODIUS COGNOMEN-  
 TO, OLAI CHYRRONIS Filius, & HAQUI-  
 NUS MAGNI Filius; patruelles, XVI. &  
 XVII. Reges Norvegiæ.

MArte potens Magnus chari poſt funera patris,  
 Cum patruæ ſuo ſceptra regenda tenent.

Hic ubi Nidrosia nomen titulumq; tulisset  
Regalem, Oplandos per juga montis adit.  
Montis stelliferum tangentis vertice cælum,  
Rustica quem Dogram nomine turba vocat.  
Illic ante diem moritur, Trondemia satis  
Exempti tumulo condita membra tegit.  
Hunc totus fato populus desleuit ademptum,  
Sedula quod cunctos cura juvare fuit.  
Postea Barfodius moderatur solus habenas,  
Cui semper Cordi ducere bella fuit.  
Flammis & ferro grassantem Hallandia vidit,  
Sollicito trepidans ancipitiq; metu.  
Hinc ubi natales redisset Magnus in oras,  
Exuvias referens & spolia ampla domum.  
Orchadas armatis transmittens classibus aquor  
Occupat, imperio subdidit atq; suo.  
Cepit ibiq; duos Iarlos, natumq; subactis  
Sigvardum populis præficit ille suum.  
Inde Suderotas petijt, populatur agrosq;  
Et vastat flammis obvia cuncta sibi.  
Mox profugi patrios multi liquere Penates,  
Inq; alijs quærunt tecta domosq; locis.  
Sed se subjecit populi pars maxima Regi,  
Ne mutent sedes destituâtq; suas.  
Hinc Thylem, Satyram, & Niclum petijtq; Manoras.  
Hasq; omnes cogit Marte subesse sibi.  
Mox adit Hybernos Scotosq; per aquora vectus,  
Et dedit in multis maxima damna locis.  
Absumpsit flammis pagos urbesq; potentes,  
Et prædam multo milite fretus agit.  
Inde Caledonios placuit tentare Britannus,  
Et decus eximium Marte parare sibi.

Anglica dum fluctus sulcat prope litora Iarles  
Conspicit armata classe venire duos.  
Mox ruit intrepidus venientibus obvius illis,  
Et mittit Letho corpora multa virum.  
Pugna ferox oritur, cadesq; miserrima, ritu  
Tela nivis volitant, unda cruore rubes.  
Iarulus hic unus cecidit cognemine Prudus,  
Ast alter stratomilite terga dedit.  
Hinc ad Scotigenas rursus sua Carbasa torquet,  
Adventu terret Melcholimungq; suo.  
Propterea missis legatis talia Scotus  
Fœdera cum Magno-bellipotente facit.  
Omnis ad occiduum jaciens latus insula terra,  
Pareat atq; illi iusta tributa daret.  
His actis, clarus victor spolijsq; superbus,  
Natalis repetit dulcia rura soli.  
Postea cum Sueco de Regni limite certat,  
Imperium cupiens amplificare suum.  
Nam nihil ad Sueones putat id spectare profundi,  
Ad Weneri Occiduum quod jacet omne latus.  
Hanc igitur statuens armato milite causam  
Finire, in Sueones bella cruenta movet.  
Ingressus Sueonum numerosq; agmine fines,  
Teruit agricolas, expoliatq; bonis.  
Absumitq; casas, flammis crepitanibus ades  
Vulcanus, magno tecta fragore cadunt.  
Cunctis in prædam multi fugiuntq; relictis,  
Occultis nemorum se latebrisq; tegunt.  
Pars spectant patrios mœsti de rupe penates,  
Spargentes lachrymis ora genasq; suis.  
Quid multus? tandem sibi Magnus cuncta subegit,  
Ad latus Occiduum qua jacere Lacus.

Proxima

Proxima cum campos ornaret floribus æstas,  
 Sylvaq; rideret condecorata comis.  
 Qua Congelsuga jacet fluvij contermina ripa,  
 Conventus ( Igno, Magnus, Ericus ) agunt.  
 Illic unanimes componunt fœdera pacis,  
 Mox dat Latitie, plebs nova signa sua.  
 Illic & Magnum ( Sueones ne Marte laceſſat,  
 Inſeſtus ) generum deligit Igno ſibi.  
 Cumq; novem Magnus tenuiſſet ſceptra per annos,  
 Ruſſus ad Hybernæ turgida vela dedit.  
 Illic Diſſlinum numeroſo milite cepit,  
 Metropolis regni qua populosa fuit,  
 Perq; hyemem captâ ſubiſſit in urbe moratus  
 Inſtruit ac claſſem Vere ſequentē ſuam.  
 Aſt iter adverſus Boreas curſumq; moratur  
 Invitum Regem, detinuitq; diu.  
 Propterea egreſſus claſſem, littusq; reliquit,  
 Vt fallat tali tempora longa modo.  
 Fortè viam ingreditur virgultis Magnus utrinq;  
 Cinctam, nobilium concomitante choro.  
 Securi nimium, tendunt quo ſemita ducit,  
 Verbaq; de varijs plurima rebus erant.  
 Aſt ubi vertebant greſſus ad littora, denſis  
 Abdita virgultis hoſtica turba latet.  
 Nec mora, tela volant hyberna grandinis inſtar,  
 Perq; auras ſtridet multa ſagitta leves.  
 Sternitur hic Magnus, magnâ cum parte ſuorum,  
 Sed reliqui celeri terga dederè fuga.  
 Sic poſtquam denos tenuiſſet frena per annos  
 Imperij, ſummum clauſit in orbe diem.  
 Tunc binis luſtris poſt natum ſecula CHRISTVM  
 Undena addiderant ſolis euntis equi.

Magnus



Magnus erat, nulli belli virtute secundus,  
 Nam mens alta tulit Martis ad arma virum.  
 Prælia multa foris gessit feliciter, hostes  
 Compellens turpi vertere terga fuga.  
 Hic est Barfodius celebri cognomine dictus,  
 Aptè nudipedem lingua latina vocat.  
 Nam pedibus nudis incessit, quando rediret  
 Præclarus populo victor ovante domum.  
 Prudens, magnanimus, sapiens, formosus; habebat.  
 In magno procures semper honore suos.  
 His nimis audacem bello dicentibus ipsum,  
 Responsum solitus reddere tale fuit:  
 Non Rex sublimi solio sceptrisq; positus,  
 Ut numeret vita tempora longa sua:  
 Ast ut devictis palmam ferat hostibus acer,  
 Æternum pariat Marte sibiq; decus.  
 Miscuit intrepidus collatis prælia signis,  
 Et multum vario laudis ab hoste tulit.  
 Magnus habet nullis igitur delebile sectis  
Nomen, & illius non morietur honos.

OSTANVS ET SIGVARDVS Co-  
 gnomento JORSALAFARUS, FRATRES,  
 MAGNI BARFODII Filij, XIIIX. &  
 XIX. Reges Norve-  
 gie.

à profectio-  
 ne Hiero-  
 solymita-  
 na.

O Stanus patri subiit fraterq; perempto,  
 Cui cognomentum Jorsalafarus erat.  
 Hunc juvit bello terras tentare repostas,  
 Et sibi perpetuum Marte parare decus.  
 Idcirco multis conscendit navibus æquor,  
 Anglicaq; undisonum per mare regna petit.

L

Expan.

Expansis iterum ventis adit Itala rura,  
Quis nil fertilius Phœbus ab axe videri.  
Inde ad Galatiam sulcans dat Carbasia fluctus,  
Hinc adit Hispanos per mare vectus agros.  
Illic occurrit viginti quinq; triremes,  
In quibus apprimè barbara turba fuit.  
Barbara turba bonos quæ dispoliare solebat,  
Suetaq; de rapto vivere semper erat.  
Heros extemplo concurrens acriter hostem  
Occisis multis vertere vela docet.  
Pyrata amissis fugiebant navibus octo,  
Et tergo accipiunt verbera multa suo.  
Post arcem multo cingebat milite Sintram,  
Quam tenuit veri nescia turba Dei.  
Irrumpit fractis portis cunctosq; trucidat,  
Qui nolunt sacris tingere corpus aquis.  
Mox urbem (cujus fundamina jecit Ulysses)  
Obsidet, oppugnat exanimatq; metu.  
Ejus ad occiduum flammis latus omnia vastat,  
Hostiles latè depopulatus agros.  
Hic inijt septem collatis praelia signis,  
Et palmam victo semper ab hoste tulit.  
Inde subacturus Majorchum classe petebat,  
Strenuus hostiles stravit ibiq; manus.  
Nunc loca Navarra, Siculosq; accessit, & illic  
Predando magnas accumulavit opes.  
Post adiit Solymam diversa per aquora vectus,  
Qua nihil in toto pulchrius orbe fuit.  
Et nando vitreum transmisit Iordanis amnem,  
Baptizatus ubi dicitur esse DEVS.  
Acceptoq; crucis frusto, cui Christus amaram  
Affixus mortem duraq; fata tulit.

Ad Byzantinam tendebat navibus urbem,  
 Quam nostro immitis tempore Turca tenet.  
 Adijt ut Caesar Regem venisse potentem,  
 Illi portarum pandere claustra iubet.  
 Præterea ut magno Rex ingrediatur honore,  
 Ostrinis pannis sternere mandat humum.  
 Illic ut vidit varijs discursibus errans,  
 Spectatu dignum quicquid in urbe fuit.  
 Bulgariam petijt frenis Phalerisq; superbo  
 Cornipedi insidens, Ungariumq; solum.  
 Protinus accessit præstantes Marte Suecones  
 Fortè quibus nomen Suevus habere dedit.  
 Hinc in Bavariam proficiscitur inclytus heros,  
 Henricus præsens tunc ibi Caesar erat.  
 Qui sua deduci curat per regna Monarcham,  
 Huc ubi Slesvicum mania clara micant.  
 Illic excipitur magno Sivarthus honore,  
 Ingrediens alacri mania vectus equo.  
 Inde adijt Cymbros Danaum comitante Monarcha,  
 Nicoleus nomen quem tenuisse ferunt.  
 Quas simul ac venit pulchrè comitatus in oras,  
 Consensâ patriam nave petebat humum.  
 Absuerat quatuor cum lustris lustra duobus,  
 Tres annos dictis vixerat inq; locis.  
 Desidis Ostanus non egerat ocia vita,  
 Horrida Germano bella gerente foris.  
 Quinq; sed insigni flagrans pietatis amore,  
 Artifici curat templa labore strui.  
 Præterea magnis erexit sumptibus idem,  
 Munclinum quoddam nobile canobium.  
 Cui, templisq; quibus dederat donaria largus  
 Annua, cœu prisco tempore moris erat.

Illius effecit sapientia mira, priores  
Quod reges armis non putuere suis.  
Huic subjecit enim sine cadē & sanguine tellus  
Temptica, quæ Suecis ante tributa dedit.  
Hustadij ducens positus convivium mensis,  
Corripitur morbo, duraq; fata subit.  
Nidrosiam finis transfertur ibiq; sepulchro  
Infertur, lacrymis plebe rigante genas.  
Tunc adeo multi sua fletibus ora rigabant,  
Ut plures illum vix gemuisse putem.  
Imperij tenuit bis denos sceptrum per annos,  
Ostentans cælumen laus patriaq; pater.  
Ornavit patrias templis sublimibus urbes,  
Nunc ubi pastores dogmata sacra docent.  
Præsignis facie, sapiens, sermone disertus,  
Fullebat varijs tempora longa jocis.  
Æquus, consilio prudens, legiq; peritus,  
Acceptus populo nobilibusq; fuit.  
Postea Sivarum bello tentare juvatur,  
Smolandos multis & spoliare bonis.  
Armatis igitur transmittens classibus aquor,  
Calmariam vento concomitante venit.  
Huc ubi pervenit pagos populatur & agros,  
Captivumq; pecus lata per arva trahit.  
Et ne vastaret flammisq; absumeret ades,  
Si ardens populo dante tributa tulit.  
Centum quindecies bobusq; ad littus abactis,  
In patriam rursus carbasa tensa dedit.  
Hybernis venit, tum fortè Haraldus aboris,  
Illic Barfodio de genitore satum:  
Esse suum fratrem, tamen alter credere nolens,  
Ardeni vomeres ponit in igne novem.



Hos super incedit candentes jussus Haraldus,  
Nudatis plantis fecit ei<sup>q</sup> fidem.  
Vidit ut incolumes plantas miratur, & ipsum  
Barfodio credit de genitore satum.  
Non tamen imperij consortis est factus Haraldus,  
Regia Germano sceptrum tenente suo.  
Urbs vetus est nomen cui Rex fluviusq; dederunt,  
Ad cuius ripas conspicienda jacet.  
Hanc rex augebat tectis sublimibus urbem,  
Hic legit sedem, constituitq; suam.  
Hic pius erexit non parvis sumptibus adem,  
Nobile de Christi quod cruce nomen habet.  
Quam dante accepit Solymorum Rege potente,  
Qui Boldervini nomine dictus erat.  
Cum sex regnasset defuncto fratre per annos,  
Asloja summum clausit in orbe diem.  
Illic Halvardi requiescit in ade sepultus,  
Expectans reditum maxime Chri<sup>ste</sup> tuum.  
Tunc mille exacti post partum Virginis anni.  
Centum viginti, terq; fieri duo.  
Rege sub hoc positus Norvegia floruit armis,  
Et passim frugum copia magna fuit.  
Non formosus erat, nec erat sermone disertus,  
At magnus factis Iorsalasarus erat.  
Delitiosa domi non egerat ocia, gentes  
Externas juveni visere cura fuit.  
Multiplicis nec non idiomata discere lingua,  
Et sibi perpetuum Marte parare decus.  
Diversos populos conspexerat oppida longè,  
A patrio lustrans dissita regna solo.  
Terris & pelago jactatus ut alter Ulysses,  
Sustinuit vita multa pericla sua.

Eventu rerum, quo vix felicior Heros,  
Ullius ab Harfagrii tempore sceptrā tulit.  
Optato gessit successu praelia multa,  
Hosti virtutis dans documenta sua.  
Testis Iberus erit, Navarira, Galatia testes,  
Urbs ab Ulysse mihi condita testis erit.  
Rex ubi conflictu quater & ter stravit atroci  
Strenuus hostiles Marte favente manus.  
Hinc fit in externis longè celeberrimus oris,  
Venit & extremos nomen ad usq; Getas.  
Constans constanter constantia corda colebat,  
Largus opem miseris sapè ferebat opem.  
Crimina connivens non dissimulavit in ullo  
Innocuis mitis, fontibus asper erat.  
Hos fratres mæsti juvenesq; senesq; gemebant,  
Multaq; tristitia signa dedere sua.  
Namq; refixerunt leges Sucnonis iniquas,  
Qui Cnutone fuit de genitore satus.  
Impositis populum laxaveruntq; tributis.  
Qua quovis anno solvere jussus erat.  
Ergò prius cursum mutabunt Fresus & Almus,  
Quàm non illorum fama superstes erit.

MAGNUS Cognomento  
CAECVS, & HARALDVS GILLO  
HTBERNICUS XX. & XXI.

Reges Norvegiæ.

Successit patri Magnus Cognomine Cacus,  
Norgica quo vidit pulchrius ora nihil.  
Hic nimis impatiens, nimiumq; Severus & asper,  
Respuit hortatus posthabuitq; bonos.

Et

*Et semper proprio confusus lumine mentis ;  
Fecit iudicio quæ placuere suo.  
Indulsi potius , opes corrasit avarus ,  
Quæ parit invidiam res odiumq; viro.  
At humilis Gyllo parebat recta monenti ,  
Nil fidens proprio lumine mentis agit.  
Sæpe locum precibus facilis clemensq; reliquit ,  
Largus opes , largâ distribuitq; manu.  
Hocq; modo procerum sibi conciliavit amorem ,  
Proptereaquæ suo charus erat populo.  
Audijt ut Magnus regni concedit eidem  
Dimidium , moveat ne fera bella sibi.  
Postea constituit consortem ( quattuor annis  
Elapsis ) patrium pellere Marte suum .  
Armat uterq; igitur validas in bella cohortes ,  
Inq; Eyrifsteno conseruere manus.  
Inferior numero licet hostibus esset Haraldus ,  
Virtute inferior non tamen ille fuit.  
Sustinet hostiles tam Gyllo fortiter ( impar  
Viribus & numero sit licet ille ) manus .  
Omnibus ut possit res valde mira videri ,  
Tam paucos multos sustinuisse diu.  
Fractus ad extremum longo certamine Gyllo ,  
Cogitur in celerem vertere terga fugam .  
Et mox ad Danaum Regem confugit Ericum ,  
Illius & supplex poscit Haraldus opem .  
Oblatum pugnae titulum gaudebat Emundus ,  
Auxilium pulso sponte volensq; tulit .  
Nam sociam vita thalamis excluderat ante ,  
Quæ Danaum Regi sanguine juncta fuit.  
Classè igitur magnâ comitatur Ericus Haraldum  
Asloiam , cives expoliâtq; bonis .*

Mox dictam flammis abolet superantibus urbem,

Quam dirimunt undis flumina bina suis.

Post totam Danicæ classē transmissit eidem

Auxilio, Magnum quo superare queat.

Hac Gyllo instructus Bergam properabat ad urbem,

Hostibus intrepide congregiturq; feris.

Lumine devictum Magnum privavit utroq;

Hunc igitur Cacum sceptrâ vetusta vocant.

Præterea membris captum genitalibus orbat,

Procreet ultorem ne Venus alma sui.

Postea quid? Magnus Monachorum veste, cucullo

Indutus, solvit vota precesq; Deo.

Qui prius incescit regali tectus amictu,

Vestes rasorum nunc gerit ille Patrum.

Postea Sivarthus quidam cognomine Slembo,

Finxit Barfodio se genitore satum.

Arctoo nihil hoc fuerat velocius orbe,

Nam cursu celeres exuperavit equos.

Hic apud Helsenoram, posito cum rege Danorum

Pignore, præcipites exuperavit equos.

Et prior admissis metam tenet ille duobus,

Tam celerem pedibus rex proceresq; stupent.

Hic movet affectans regnum fera prælia regi,

Quid non regnandi præva cupido facit?

Sed capto tandem mortis sententiâ fertur,

Alto mergendus provehiturq; mari.

Quid sit? ad ingenium damnatus Slembo recurrit,

Cum vidit nullum viribus esse locum.

Impleri potu vectores largiter omnes

Cura vit, potis hæcque verba dedit.

Ante gubernandi detur mihi queso potestas,

Submersus vasto gurgite quam moriar.



Hoc ego nunc saltem mergendus in aquore posco,  
 Hoc unum ne vos, quasô, negate mihi.  
 Fit compos voti, Nautasq; hortatus, ut unâ  
 Certarent remis pellere quisq; ratem.  
 Projecto clavo se precipitavit in undas,  
 Et luctans liquidis brachia jactat aquis.  
 Atq; prius rapidum quàm possit sistere cursum,  
 Tangebatur pedibus littora grata suis.  
 Acceleratq; fugam in sylvam secumq; volutat,  
 Perdere Gyllonem qua ratione queat.  
 Inde per insidias noctu nil tale timentem,  
 Amplexu perimit Thora venusta tuo.  
 Extinctus Bergis summâ sepelitur in ade,  
 Sic justus punit turpia facta D E V S.

INGO Cognominatus KROGBAGIVS,  
 SIVARDUS, OSTANUS Fratres, XXII.  
 XXIII. & XXIV. Reges Norvegiæ.

**T**ristia regnantes nati post funera Patris  
 Fasces, & rerum culmina celsa tenent.  
 Ut belli titulum Sivardus Slembo gerendi  
 Prenderet, ac illos vincere Marte queat.  
 Eripuit claustris Magnum monachalibus, atq;  
 Ad Danos ipsô se comitante fugit.  
 Auxilio quorum suffultus, postea natis  
 Congreditur, noctu Gyllo perempte tuis.  
 Fratres nil veriti pugnam committere Ponto,  
 Fortiter hostiles sustinuerunt rates.  
 Congressu primo naves videre Danorum,  
 Octodecim celeri vertere terga fugâ.  
 Pars defensorum ceciderunt maxima Magni  
 Trajectus telis, ipseq; fata subit.

**Fortiter** at casis socijs se Slembo tuetur,  
 Vendicat & navem solus ab hoste suam.  
**Ad** summum pronus defectis viribus undas  
 Insiluit, frigus tunc licet acre foret.  
**Quas** adversorum resperserat ante cruore,  
 Forti dans illis vulnera fœva manu.  
 Occultansq; diu corpus sub gurgite salso,  
 Haud paucis fecit se perijisse fidem.  
**Loricam** & vestes sub aquis sibi detrahit omnes,  
 Agnosci ut nequeat liberiusq; natet.  
**Ut** respiraret tandem caput extulit undis,  
 Longius & fatum non simulare valet.  
**Confestim** captus panas dat sanguine fuso,  
 Namq; prius fusi sanguinis autor erat.  
**Damnatum** primo contundunt inde flagellis,  
 Saucia contendunt cadere membra suis.  
**Mox** casi miserè caput à cervice revellunt,  
 Vindicta cupidis non satis illud erat.  
**Truncatus** siquidem trabibus suspenditur altis,  
 Quadruplici hunc fato quis perijisse neget.  
**Savisse** in vivum non his satis esse videtur,  
 Mortua suffigant ni quoq; membra cruci.  
**Non** dedit in summo cruciatu signa doloris,  
 Slembo sed constans verbera cuncta tulit.  
**Fortiaq;** in summo fundebat verba dolore,  
 In latis solitus rebus ut ante fuit.  
**Et** tandem psalmos recitans precibusq; Tonanti,  
 Sese commendans fata suprema subit.  
**Huic** si non pacem patriæ turbasset amanda,  
 Arctoo similis nullus in orbe foret.  
**Postea** conjurant fratres de fratre necando,  
 Immeritum fœvâ vel jugulare manus.

Nam fratrem gibbo deformem corporis agere  
 Fratres imperij sceptrum tenere ferunt.  
 Hoc ubi vulgavit rumor mox ritè gerendo,  
 Gregorium bello destinat ille ducem.  
 Tempore qui miles regni fortissimus illo,  
 Promptus consilio, promptus eratq; manu.  
 In quo spes Regis fuit & fiducia solo,  
 Qui neq; dextrâ habuit qui neq; Marte parem.  
 Erlingus regni tum Consiliarius acer,  
 Cui cognomentum nobile Schacco fuit.  
 Huic Ingo thalami conjungit fœdere sancto,  
 Christinam natam Iorsalasare tuam.  
 Quapropter summo procures dignantur honore  
 Erlingum, inq; oculis mente libente ferunt.  
 Post hac exoritur Bergis sœvissima cades,  
 Sivardi miles causa caputq; fuit.  
 Qui de militibus flagranti percitus ira,  
 Vnum Gregorij sustulit ense ducis.  
 Militis ulturus mortem dux arma capeffit,  
 Protinus armari mandat & Ingo suos.  
 Invaditq; suum fratrem violentus & atrox,  
 Cum tenebris orbem nox tegit atra suis.  
 Dum licet infestus Sivardus fortiter hostes  
 Sustinet, & multus miles utrinq; Cadit.  
 Devictus tandem properè fugiebat in adem;  
 Sed fuga Sivardo profuit ista nihil.  
 Effractis etenim foribus claustrisq; revulsis,  
 Extinguunt regem quotquot ibi intus erant.  
 Extincti cineres summâ conduntur in ade,  
 Oppressus gemter qua jacet insidijs.  
 Polluit eloquio Sivardus Haraldica proles,  
 Sed coluit Cypriæ turpia castra Dea.

Exactis annis à facta cade duobus,  
Armari classē præcipit Ingo suam.  
Ostānum stat enim regno depellere fratrem,  
Solut ut imperij scepra verenda gerat.  
Divitijs quoniam multis speliavit avarus  
Gregorium, proles qui tua Dago fuit.  
Illius & sedem Brasbergam funditus igni  
Absumpsit, naves fratris itemq; sui.  
Ulturus factis igitur pro talibus ipsum,  
Collegit magnam fervidus Ingo manum.  
Viribus inferior fugiebat puppe relicta  
Ostānus, veritus conseruisse manus.  
Teq; petit bobus quæ Vigia semper abundas  
Grandibus, insignis fertilitate soli.  
At Ingo celeri fugientem classe secutus,  
Cepit ibi miseris interimitq; modis.  
Exilijsse loco fertur fons vitreus illo,  
Quo posuit vitam casus ab hoste suam.  
Est igitur Sanctus celebri cognomine dictus  
Fons, & ab illius nomine nomen habet.  
Fossiaci caesi conduntur viscera templo:  
Exitus hic fratrum finis eratq; dūm.  
Alter avaritiæ maculis respersus, & alter  
Luxuria, populo durus uterq; fuit.  
Inde trucidati fautores Regi, Haquinum,  
Unanimes regem constituere sibi.  
Tunc celebris magno fremuit Norvegia motu,  
Est cades varijs factaq; magna locis.  
Sæpe per insidias caca sub nocte latentes,  
Miles ab adverso milite casus obit.  
Arma strepunt passim, resonant ululatibus ades,  
Multus ubiq; pavor, multus ubiq; dolor.

Occisum



Occisum queritur lugens nova nupta maritum :  
Sponsa gemit sponsum , filia mæsta patrem .  
Acriter amborum , configunt agmina regum ,  
Quâ jacet urbs nomen Regis & amnis habens .  
Vincitur occisis multis Haquinus utrinq̃ ,  
Teq̃ , petit latis Suecia dives agris .  
Unde brevi redijt peregrinis viribus auctus ,  
Cumq̃ , suo patruo prælia sævus init .  
In solidam versus glaciem fuit inter utrumq̃ ,  
Amnis , hyems cujus frigore strinxit aquas .  
Hic placet ambobus rigido decernere ferro ,  
Et dare crudeli vulnera sæva manu .  
Gregorius sævos igitur dum fortiter hostes  
Urgeret , mittens corpora multa neci :  
Agmine cum toto gelidas subsidit in undas ,  
Brachia jactantem moxq̃ , Sagitta ferit .  
Nam prius incidi glaciem curavit Haquinus ,  
Quo palmam mersis hostibus amne ferat .  
Sic igitur belli dux & fortissimus heros ,  
Trajectus telo , mersus aquisq̃ , perit .  
Ille fuit sapiens , & ab ipso Rege secundus :  
Cui non Consilij par , neq̃ , Marte fuit .  
Insula parva jacet , quam dicunt nomine Gimsam ,  
Non procul à tectis clara Schienna tuis :  
Hic in cœnobio requiescunt membra sepulti ,  
Illo cui præerat tempore Bouga soror .  
Quod pater ipsorum fundaverat antea Dago ,  
Vir pius & claro sanguine natus auum .  
Post magnum ducens agmen properabat Haquinus  
Asloiam , patruo congregiturq̃ , suo .  
Acriter illatis confligunt agmina signis ,  
Fervebat dubij Martis opusq̃ , diu .

Sed cedit accepto lethali vulnere tandem,  
Gibbo deformis corporis Ingo sui.  
Præfuit hic regno viginti quinque per annos,  
In divi Halvardi conditus æde jacet.  
Ingonem Suavis decoravit gratia morum,  
Insignis facies flavaq; Casaries.  
Corporis hunc gibbus sed deformaverat, unde  
Norgica Crogbagum lingua vocare solet.  
Ingenio placidus clemens facilisq; petenti,  
Alloquio comis, largus opumq; fuit.  
Moribus his populi sibi conciliavit amorem,  
Seq; probat dignum fascibus esse virum.

HAQUINVS Cognomento HERDE-  
BREDUS SIVARDI Filius, XXV.

Rex Norvegiæ.

Ingonem postquam bello superavit Haquinus,  
Subdidit imperio Norgica sceptræ suo.  
Prædia nobilibus gratis divisit amicis,  
Qui se præstabant Marte vigente viros.  
Audijt Erlingus postquam cecidisse Monarcham,  
Esse sub Herbredi Norvagiæq; jugo.  
Mox proceres regni boreali in parte vocabat,  
Filius ut Magnus Rex statuatur agit.  
Qui fuit è veteri prognatus stemmate Regum,  
Et Sivarde nepos Forsalafare tuus,  
Comitijs proles habitis Erlingica Magnus  
Eligitur, parvus sit licet ille puer.  
Postea bis quinis conscendit navibus æquor,  
Et Danos nato se comitante petit.  
Hic cum Waldemaro fœdus faciebat, ut ejus  
Auxilio Magnus Norgica sceptræ gerat.

*Quo factō patrios repetebat Schacco penates  
 Erlingus, clara nobilitatis honos.  
 Aggrediturq; ferox Haquinum milite fretus,  
 Urbs Tonsberga, vetus qua celebrisq; jacet.  
 Vincitur Herdbredus Schacconis viribus impar,  
 Navibus amissis precipuisq; fugit.  
 Denuò non parvis concurrunt viribus ambo,  
 Sævâq; sanguineo prallia Marte gerunt.  
 Caditur Haquinus magna cum parte suorum,  
 Reliquia celerem corripuere fugam.  
 Hic annis tenuit fulgentia sceptrâ duobus,  
 Membraq; Nidrosia ritè sepulta cubant.  
 Rex erat Haquinus facie formâq; decorus,  
 Idem divitibus pauperibusq; fuit.  
 Est Herdbredus patrio sermone vocatus,  
 A latis humeris quos habuisse liquet.*

## MAGNUS ERLINGI

Filius primus coronatus Rex Norvegiæ, nu-  
 mero. XXVI.

**F**ilius Erlingi Magnus succedit Haquino,  
 Exoritur rursus seditioq; gravis.  
 Semper adharebant qui partibus antea cæsi,  
 Sivardium belli constituere ducem.  
 Vindicet ut fratrem, crudeli morte preceptum,  
 Hostibus & victis regia sceptrâ ferat.  
 Sed non respondit votis fortuna noverca,  
 Quâ spem terrigenum fallere sæpe solet.  
 Nam postquam multos à te qui Schacco steterunt  
 Stravisset forti Marte favente manu.  
 Est capti tandem collo caput ense revulsum,  
 Sed trabe suffixus frater Haraldus obit.

Bergæ  
nat. Rex  
Erilingi

Quin etiam trabibus Marcus suspenditur altis,  
Exitus hic illis meta fuitq; tribus.  
His ita sublatis Bellona recondidit ensem,  
In regni cunctis pax vixitq; locis.  
Ut pax emerfit vario prius obruta bello,  
Edita quo strages magna furente fuit.  
Conscripti cœunt procures, Magnumq; coronant,  
Urbs ubi percelebris nomine Berga jaces.  
Summus ubi præsens, superintendentibus, illo,  
Cum quinis alijs, tempore præsul erat.  
Præterea quidam Stephani qui nomen habebat,  
Huc à Romano præsule missus erat.  
Addiderat ternis tunc Magnus quatuor annos,  
Ante coronatus nullus eumq; fuit.  
Pronato Erilingus regni moderatur habenas,  
Vir sapiens, clarus Marte, manuq; potens.  
Danicus ut Magno Rex audiit esse coronam  
Impositam, misit scripta legenda patri.  
Et promissa sibi poscebat Vigica rura,  
Danorum reges quæ tenuere diu.  
Transmissos populo legit præsentē libellos  
Erilingus Schacco, quibus lectis mox fremuere viri.  
Tristia malebant prius omnes, omnia ferre,  
Quam sua Valdemari subdere colla iugo.  
Legati Domino referebāt cuncta reversi,  
Mox ideo sævus fulminat ille minas.  
Norgica quapropter petit undiq; regna coactis  
Viribus, armata classe virisq; potens.  
Urbs jacet ad Sarpum fama celeberrima quondam;  
Accola Sarpsburgum nomine turba vocat.  
Hic odio Erilingi populi pars magna laborans,  
Valdemarum Regem constituere sibi.

Navigat



*Navigat inde potens Tonsbergam classe virisq.,  
Tunc ubi fautores Schacco fuere tui.*

*Qui cum Valdemari venientis forte videbant  
Ingentes naves, militibusq. graves.*

*Confugiunt omnes validam properanter in arcem,  
Vertice qua rupis non capienda stetit.*

*Urbem parcebat rapidis absumere flammis,  
Ædes sacratas ne simul igne cremet.*

*Huc populum jussit misso pracone vocari,  
Sed non comparet turba vocata loco.*

*Hinc libertatis studiosam Dania gentem  
Sensit, & imperio nolle subesse suo.*

*Rex igitur verbis solvebat talibus ora,  
Hæc est Erlingi gens studiosa ducis.*

*Et parere meis scio detractabit habenis,  
Nec ferre imperium sponte suapte meum.*

*Quapropter patrias dare carbasa cogor ad oras,  
Aut patre cum Magni conseruisse manus.*

*Sic ait : at reditum multis suadentibus inde  
Solvit, & infectâ re sua regna petit.*

*Audijt ut Schacco Danaum venisse Monarcham,  
Atq. suis multos expoliasse bonis.*

*Protinus expedit naves sequiturq. Tyrannum,  
Ad patrios dantem turgida vela Lares.*

*Expugnat classem Cymbrorum forte repertam,  
Qua Dyrfa equoreas flumine miscet aquas.*

*Et conversa domum dat lintea milite casò,  
Abducit secum Norvagicasq. rates.*

*Sic meritam Danis (nam nostris antea naves  
Abstulerant) Schacco reddidit ecce vicem.*

*Post hæc almæ aliquot conduntur fœdera pacis,  
Tristitia finito bellaq. Marte silent.*

ing & Rache

Postquam cum Danaum fecisset fœdera Regē

Norvagica Schacco nobilitatis honos.

Callidus è medio conatur tollere cunctos,

Sanguine quos Regum noverat esse satos.

Æ mulus imperij ne quisquam postea nato

Inferret charo bella cruenta suo.

Et sceptrum teneat Magnus seriꝯ Nepotes,

Cum recubat tumulo mortuus ille suo.

Quapropter cæsus gladio Sivarðus obruit,

Qui regis Magni frater amandus erat.

Sed mutans patrios compulsus Olæ Schaghugi,

Alburgiꝯ jacent corporis ossa tui.

Affectans regnum post hac se milite firmat.

Ostannus, Magno sævaꝯ bella parat.

Fautoresꝯ bonis Magni Spoliabat avarus,

Miles & illicitas accumulabat opes.

Rustica quapropter prædantes pellere turba

Convenit, varijs expoliata bonis.

In latebras nemorum fugerunt protinus hostes,

Desertiꝯ diu delituere locis.

Dumꝯ errant cæcis nemorum secessibus illi,

Discindunt vestes calceolosꝯ terunt.

Certabant igitur virides nudare betullas,

Obvolvunt nudos corticibusꝯ pedes.

Propterea dicti sunt postea Birchebeneri;

Cortipedes, Latius dicere fortè potest.

Inde superveniens illorum millia Magnus,

Ostannumꝯ ducem Marte favente necat.

Tunc etjam fugiens nato comitante viroꝯ,

Per mare Farrenses vecta Gunilda petit.

Præsul ubi docuit cælestia jussa Roordus,

Qui levir illius frater eratꝯ viri.

Alburg.

Ostannus

Birchebeneri

*Hic natum Lotis nomen Sueronis habentem  
Enutrit, mores edocuitq; bonos.  
Exculto ludi committit eumq; magistro,  
Artes ut discat cum pietate bonas.  
Quo duce profecit multum juvenilibus annis.  
Esset ut Aonij gloria magna Chori.  
Impositis igitur manibus pro more vetusto,  
Nomen pastoris praesul habere iubet.  
His actis genitrix lachrimarum flumina mittit,  
Spargens purpureas imbre cadente genas.  
Filius id cernens Suero miratur & insit,  
Quid mater quaso fletibus ora rigas?  
Latitia cur non potius das signa dolore  
Deposito, tantus cum mihi cedit honos.  
Sic ait: illa trahens gemitus à pectore tristi,  
Reddebat nato talia verba suo.  
Hic sit honos quamvis magnus, majore potiri  
Esses nunc fili dignus honore tamen.  
Es proles etenim Sirvardi Norgica sceptrum  
Qui gessit, conjunx antea cujus eram.  
Haec nunc hac omnes calavi, donec adulto  
Signaret teneras barbula prima genas.  
Hic setit auditis secum diversa revolvens,  
Talia mox posito verba dolore facit:  
Si sum de veteri prognatus sanguine regum,  
Norgica qui forti sceptrum tulere manu.  
Simelius magnum quam parva paracia regnum,  
Illam pro regno divite nolo mihi.  
Sc ait: & patriam conscensa nave petebat,  
Immiscet sese militibusq; ducis.  
Cumq; illis cedens sermonem plurima novit,  
Tempore quæ possent commoda ferre suo.*

Hinc ad Byrgerum se contulit advena Brosam,  
Ast hic optatam ferre recusat opem.  
Ergo Vermlandios accessit ibiq; sorore  
Cæciliâ duxit Suero volente moram.  
Hoc ubi Cortipedes hausserunt auribus ante  
Qui duce prostrato corripuere fugam.  
Confluxere vijs ad eum mox undiq; plenis,  
Inventumq; sibi constituere ducem.  
Ille etenim mulas capit pratexere caussas,  
Ut querant alium constituentq; ducem.  
Ergo recusanti succensent protinus omnes,  
Addebant precibus terribilesq; minas.  
Sed renuit, quoniam nudi pleriq; fuerunt,  
Per multi pleni vulneribusq; simul.  
Ante tui patris sumus ultro castra secuti,  
Et sub avis constat nos meruisse tuis.  
Sanguine conjunctos nobis amissimus, atq;  
Turba sumus cunctis expoliata bonis.  
Præterea patrijs erramus sedibus acti,  
Quæ debemus avis omnia Suero tuis.  
Res igitur Magno quo fiat grata Monarchæ,  
Te volumus miseris exanimare modis.  
Cogitur idcirco dux agminis esse, quod ante  
Noluit, impacto ne cadat ense sibi.  
Inde per umbrosas sylvas & inhospita tesqua,  
Agmine lempiorum rura sequente petit.  
Sylva horrens inter lempios jacet Herdaliorsq;  
Millia quàm longam septuaginta ferunt.  
Illius hic siccæ torquet sitis arida fauces,  
Dura fames septem pressit eumq; dies.  
Dat victum cortex abiegnus, fragraq; brumæ  
Tempore sub gelidâ quæ latuere nive.



Incisus què dabat caudex quasi pocla betulla,  
Lucundo qualem fundere vere solent.  
Subdidit immunes lempptos à peste maligna,  
Atq; tributa domos ne cremes igne tulit.  
Postea congressus quingentis hostibus idem  
Vexillumq; tulit Martyr Olaë tuum.  
Æterno meritas soluit gratesq; Tonanti,  
Qui dedit hostiles vincere posse manus.  
Et mox Nidrosiam magnâ comitante Phalange,  
Tendit, in occursum civica turba ruunt.  
Exciſiunt hilares comitesq; sequuntur in urbem.  
Pendulaq; in celsis turribus ara sonant.

SVERO SIVARDI FILIVS  
XXVII. Rex Norvegiæ.

H<sup>Uc</sup> ubi pervenit, misso pracone vocari  
Cum clarâ populum nobilitate juber.  
Confluit actutum populus, proceresq; vocati,  
Ac illum Regem consituere sibi.  
Post hos Hadlandos pulchrè comitatus adivit,  
Illic haud paucas naviculasq; legit.  
Naviculas longi religatas littore Rhandi,  
Diverso cujus pisce natantur aqua.  
Adq; lacum Mosam (quo non piscosior alter)  
Has curavit equis millia quinq; trahi.  
Vnde igitur cunctis via dicitur illa carina,  
Expers quæ celebris nominis ante fuit.  
Fautoresq; capit trajecto flumine Magni,  
Captos in vinclis detinuitq; suis.  
Halvardus quidam convivium fortè paravit,  
( Illi cognomen Sostadiensis erat )

Ter centum veniunt conviva ritè vocati,  
Testantur varijs lætitiarumq; modis.  
Dumq; illi indulgent epulis & gaudia tractant,  
Atq; fero metuunt prorsus ab hoste nihil.  
Improvvisus adest Suero cum milite multo,  
Tristi convivas exitioq; dedit.  
His actis fugiens repetit Norlandica rura,  
Illic hostiles nescius esse manus.  
Quapropter rursus montem conscendere Dogram  
Cogitur, aëreū qui petit astra jugis.  
Nullus erat callis, vestigia nulla videntur,  
Nuper enim jacta mons nive tectus erat.  
Hic Rex ambiguo milesq; errore vagantes,  
Ostiduum duram sustinuerunt famem.  
Errantem vidit Titan in rupibus altis,  
Bis quater Eois dum redit ortus aquis.  
Hic amisit equos centum triginta virosq;  
Vicenot, duro qui riguerunt gelu.  
Postea Nidrosiam repetit navesq; paratas  
Occupat, his Bergas per mare vectus adit.  
Occurrit Magnus cum patre & præfule summo,  
Ostani nomen quem tenuisse liquet.  
Illius ingenti conspecta classe retrorsum  
Lintea dat Suero, corripuitq; fugam.  
Insequitur Magnus fugientem classe volucris,  
Talia militibus verba facitq; suis.  
Nunc ulciscamur nostrorum fortiter umbras,  
Quisq; metent ferro proxima quæq; suo.  
Sed captum duris Regem vincite catenis,  
Cum Suerone volo mutua verba loqui.  
Ergo ubi se vidit non posse evadere Suero,  
In cælum tendens brachia poscit opem.

Conf.

Confestim densis involvitur aura tenebris,  
Nubes formosum surripiuntq; diem.  
Alter ut alterius non possit cernere naves,  
Sic Suero hostiles effugit (ecce) manus.  
Postea Nidrosiam rursus tendebat, ad urbem,  
Regalem titulum quâ tulit ille prius.  
Inde fugam simulans Melhusum Suero petebat,  
Bisque duos remorans mansit in urbe dies.  
His actis repetit multis comitantibus urbem,  
Mililibusq; facit talia verba suis.  
Cum genitore suo nunc Magnus in urbe moratur,  
Securi plenos evacuantq; Scyphos.  
Hoc quia venturos minime nos tempore sperant,  
Sed fugisse procul meq; meosq; putant.  
Ergo agite ô socij prosternite fortiter hostes,  
Et vos invictos esse docete viros.  
Quisquis prosternit generosa stirpe profectum,  
Huic tribuam titulos nobilitatis ego.  
Non DEUS eventum cum sit justissima causa  
Abnuet, illo hostes auxiliante cadent.  
Hæc & plura viam carpens est ille locutus,  
Quilibet ut fortem se probet esse virum.  
Interea Magnus cum milite pocula siccant,  
Hostes ignari cominus esse feros.  
Hic vacuat Cyathos, somno jacet obrutus ille,  
Hic tollit risum, cantibus ille strepit.  
Jamq; dies primo rediens surgebat Eo,  
Phæbus & Oceani gurgite tollit equos.  
Conspiciunt vigiles fulgentes ære catervas,  
Jlicet in plateis Rex sonat hostis adest.  
Arma fremunt cuncti pugna se quisq; parabant,  
Hostibus occurrunt intrepidiq; suis.

g & haec Ensem disstringens Erlingus talia fatur,  
 Iam mihi sunt cana tempora sparsa nive.  
 Vos tamen hostiles hac inter luce maniplos  
 Cernetis gladium posse movere senem.  
 Sic ait & densos vita contemptor in hostes  
 Irruit, & ferro proxima quaq; metit.  
 Vendicat ancipiti dum sese fortiter ens,  
 Vulnere transfoditur, moxq; locutus ait.  
 Vos nihil hoc moveat pugnetis fortiter omnes,  
 Ut palmam Magnus victor ab hoste ferat.  
 Vix hac effatus, vitam fugiente sub umbras,  
 Concidit, & fuso sanguine fadat humum.  
 Ut genitor vitam pariter cum sanguine fudit,  
 Natus transmissio protinus amne fugit.  
 Hoc sexaginta septem certamine Magnus  
 Amisit claros nobilitate viros.  
 Praecipuas cepit fugientis Suero carinas,  
 Evasitq; potens classe virisq; simul.  
 Postea Schacconi solvebat iusta perempto,  
 Nec finit orbatum laudibus esse suis.  
 Illius enumerat laudes, & fortia facta,  
 Facta quibus clarum nomen in orbe gerit.  
 Vnum vituperat, quod contra iura fidemq;  
 Curavit Magni Norgica sceptrum dari.  
 Non etenim claro regum (si forte paternum  
 Quis genus excutiat) stemmate natus erat.  
 Ut ducis occisi fecit praemia Suero,  
 Subjungit dictis talia verba statim:  
 Me tribus adversis potuisse resistere miror,  
 (Erlingum, Magnum, Pontificemq; putat.)  
 Hic in suggesto cunctis promisit Olympum,  
 Vitam pro Magno qui posuere suam.



Atq; potituros caelesti sede, priusquam  
Illorum possit frigidus esse cruor.  
Omnes sunt igitur caelesti sede recepti,  
Qui strati regis cum genitore jacent.  
Praefulus Ostani verbis si credere fas est,  
Pro Magno casti calica regna petent.  
Ipseus minimè sed fas est credere verbis,  
Quapropter casti tartara regna petent.  
Omnibus (his dictis) grates agit ore disertus,  
Erlingi finis quod voluere sequi.  
Post illis tribuit rex nobilitatis honorem,  
Qui strare viros nobilitate satos.  
Umbras ulturus rursus capit arma suorum  
Magnus, Nidrosiam navigisq; petit.  
Qua jacet ad celebrem celebris Trondemia Nidam,  
Urbs vetus et templis religiosa pijs.  
Dimidiam regni misso sibi milite partem  
Concedi pacis Suero petebat amans.  
At mavult rigido Magnus decernere ferro,  
Quam regnum in partes distribuisse duas.  
Collatis igitur placuit configere signis,  
Et dare crudeli vulnera seva manu.  
Agmina cum campis starent, ubi cernere ferro  
Decrevere, suis Suero locutus ait.  
Nunc ego sic vobis dicam, ceu rusticus olim  
Dicebat nato Marte furente suo.  
Rusticus armatas gnatum comitatus euntem  
Ad naves fortem talibus esse monet.  
Si te pugnando scires tua fata tuumq;  
Clausurum vitam quomodo te gereres?  
Quarenti natus sic reddit parcere vellem  
Nulli, sed letho proxima quaq; darem.

Quid? si præsires (quærit pater inde) supremum,  
 Te non clausurum nec tua fata diem.  
 Reddidit ille patri, seu salvus ab hoste redibo,  
 Seu claudam summum digladiando diem.  
 Non vita parcam, nulli dabo luce potiri.  
 Sed rigidus mittam proxima quæq; neci.  
 Tum pater: aut vincit pugnans aut vincitur omnis.  
 Hostibus est probrum vertere terga suis.  
 Suero suas postquam sic exhortatus in arma,  
 Effet, mox signum buccina clara dedit.  
 Acriter & magnis concurrunt viribus ambo,  
 Vulneraq; alternâ dantq; feruntq; manu.  
 Victus ad extremum longo certamine Magnus  
 Cessit, & amisso milite terga dedit.  
 Valdemarumq; petit ventosa per aquora vectus,  
 Huic etenim claro sanguine junctus erat.  
 Inferior numero Suero licet hostibus esset,  
 Ipse tamen fuso victor ab hoste redit.  
 Sæpe solet vinci confidens robore multo,  
 Inferior numero vincere sæpe solet.  
 Postea cum sonitu armorum magnoq; fragore,  
 Turba venit Bergas seditiosa nimis.  
 Rustica turba quidem sautrix Magniq; fugati,  
 Mittere victorem percupiensq; neci.  
 Hanc ferus aggreditur Suero, victamq; coëgit  
 Occisis multis accelerare fugam.  
 Argento pacem victi mercantur & auro,  
 Talia seditio commoda ferre solet.  
 Auxilio Magnus Danaum suffultus, ad urbem  
 Carbasa Bergensem vere sequente dedit.  
 Alter nil veritus concurrere, navibus ipsum  
 Excipit armatis, conseruitq; manus.

icly Magny.

dur opus.

Corpora

Corpora multa virum letho mittuntur utrinq̃,  
Miratur rubras sanguine Thetis aquas.  
Navibus octodecim captis cum milite tandem,  
Acceptoq̃ gravi vulnere Magne fugis.  
Prædam distribuit Rex inter Birchebeneros,  
Factus & est Cræsus qui prius Irus erat.  
Prælia Nidrosiam post facta petebat, & illic  
Hybernat, longam Suero trahitq̃ moram:  
Tunc Byzantinâ remearvit Ericus ab urbe,  
Apprimè prudens qui sapiensq̃ fuit.  
Emanuelq̃ operam dederat tibi tempore longo,  
Inter magnificos primus honore viros.  
Hic Sueronis erat frater germanus at ille,  
Credere germanum noluit esse suum.  
Quapropter ferrum candens portare jubetur,  
Sic ut Sivarido se probet esse satum.  
In dextrâ ferrum ignitum portavit Ericus,  
Illasum monstrans fecit eiq̃ fidem.  
Hunc igitur magno rex vivere iussit honore,  
Hunc oculis charum plus habuitq̃ suis.  
Ver erat & rursus se firmat milite Magnus,  
Qua jacet undoso Berga propinqua salo.  
Nidrosiamq̃ petit reparatis viribus urbem,  
Victus ubi celerem bis dedit ante fugam.  
Regibus inducias visum est utriq̃ pacisci,  
Mutua de bello paceq̃ verba loqui.  
Distribui regnum Suero velut ante petebat,  
Ut populus possit pace vigente frui:  
Huic alter verbis respondens talibus inquit:  
Fœdera si paci jam facienda forent,  
Non tamen illa diu durarent feruida sæpè,  
Ex levibus causis surgere bella solent.

*Verarefers (inquit Suero) renovare studebunt:*

*Bellum, qui gaudent bella nefanda sequi.*

*Vt fileant igitur finito praelia Marte,*

*Et positis armis pax rediſſe queat.*

*Inviſam varios populos cum Birchebeneris,*

*Vt videam multis multa notanda locis.*

*Exactis patrios tribus annis inde penates,*

*Natalisq; ſoli dulcia rura petam.*

*Hac faciam, terras totidem laſtrare per annos,*

*Si modo non renuis me redeunte domum.*

*Deſierat, Magnus calida ſic motus ab ira,*

*Reddit, qua ſenſus cum ratione rapit:*

*Te vellem Sucro peregrinas viſere terras,*

*Sed nunquam ad patrios inde redire Lares.*

*Ipſe coronatus Rex ſum, patriamq; tuebor*

*Armis, tantiſper dum mihi vita manet.*

*Hoc etenim jurans promiſi tempore cunctis,*

*Cum mihi nobilitas fulgida ſceptra dedit.*

*Amiſi centum generoſo ſanguine cretos,*

*Auratos equites octo novemq; ſimul.*

*Præterea patrem Martis ſexus abſtulit enſis,*

*Quo mihi nil toto charius orbe fuit.*

*Aut nihil aut totum amittam vitamq; vel ipſam::*

*Ille reſpondens talia Suero reſert.*

*Scis accepta quidem tu multis dârna referre,*

*Parva recordari ſed data Magne nequis.*

*Anne, meus genitor conſoſſus vulnere multo,*

*Bergenſi vitam finiit urbe ſuam.*

*Annon Oſtannus crudeli morte peremptus*

*Occubuit, patruus cum mihi charus erat.*

*Nonne meum fratrem genitor tuus ultor Haquinum,*

*Stravit & multos nobilitate ſatos.*

*Nemine*



Nonne meus frater fuerat cui nomen Haraldo,  
 Est trabe suffixus patre iubente tuo?  
 Annon Siguardus frater sua colla Securi  
 Percutienda dedit, patre iubente tuo?  
 Cum mihi tot bello ceciderunt sanguine juncti,  
 Quid regnum in partes distribuisse negas?  
 Sed quia collatis mavis confligere signis,  
 Quam regnum in partes distribuisse duas:  
 Congredere Ildvoldi plures (ut spero) tuorum,  
 Ense cadent, illic quam cecidere prius.  
 Cui Magnus, totis concurram viribus alto  
 Tecum. Respondens talia Særo refert:  
 Subductæ naves exceptis sunt tribus omnes,  
 Illas expediam congregiarq; tibi.  
 Armatis totidem mecum concurre carinis,  
 Et numero simus viribus atq; pares.  
 Alter ait miles parceretur uterq; duello,  
 Confligas, victor sceptrâ petita gerat.  
 Quid confligemus pugilum pro more vetusto,  
 Cum satis ambobus sit numerosa manus.  
 Sed quia vis soli solus concurrere, stratis  
 Sublimes ambo congregiamur equis.  
 Quod si fortè tuâ me deturbaveris hastâ,  
 Imperij solus fulgida sceptrâ geres.  
 At renuens Magnus concurrere grandibus hastis,  
 Digreditur, Bergam navigijq; petit.  
 Særo Nidrosiæ fratrem præfecit Ericum,  
 Sudlandos Dôgra per juga montis adit.  
 Hæc postquam Magni pervenit fama sub aures,  
 Nidrosiam repetit classe virisq; potens.  
 Iuvaditq; ferox urbem nil tale putantem,  
 Et letho mittit corpora multa virum.

Parcitur in sacras nec confugientibus ades;  
Sparsâ fumanti templa cruore madent.  
Plurima satifero prostrata cadauera ferro,  
In plateis, templis, in domibusq; jacent.  
Elapsus properè cum milite fugit Ericus  
In montem vita consuluitq; sua.  
His actis Magnus naves Sueronis ad urbem,  
Tendens adducit venerat unde prius.  
Post, apud Aslojam collectis Suero petebat.  
Naviculis Bergam, tunc ubi Magnus erat.  
Et noctu irrumpens sævorum more luporum,  
In plateis passim corpora strata jacent.  
Vnde redit Bergas illorum viribus auctus:  
Terq; ibi dat letho corpora dena virum.  
Alterius miles vicini in culmina montis,  
Fugit præruptis qui petit astra jugis.  
Hinc dedit ad Noram festinans carbasa Magnus,  
Illic Suero moram Cortipedesq; trahunt.  
Ut vigil omnigenâ conspexit in aquore naves  
Armis instructas, militibusq; graves.  
Ad Regem properat cursu mox ille citato,  
Hostilesq; refert appropere rates.  
Prospiciens Suero navalia signa, notasq;  
Fecit militibus talia verba suis.  
Naves conspicio bellis navalibus aptas,  
Magnus Valdemari viribus auctus adest.  
Quod mihi consilium dabitis, sequar anne relictis  
Navibus, hinc fugam congregiarne statim.  
Illas in prædam fugio si fortè relinquens,  
Accipiam similes qua ratione rates.  
Miles ut in curis Regem consistere sensit,  
Tales intrepidus reddidit ore sonos.

Antes

Antea miscuimus cum Magno praelia sæpè;  
Multos exiguâ vicimus ante manu.  
Malumus in sævos pugnando fortiiter hostes  
Occubuisse simul, quam celerare fugam.  
Responsò tali Suero latatus ovabat,  
Hac iterum socijs verba dat ore suis.  
Vos igitur præstate viros metus omnis abesto,  
In vobis prorsus sit timidumq; nihil.  
Hac via vincendi sola est vitamq; tuendi,  
Hoc uno nobis vita tuenda modo.  
Proderit haud quicquam precibus scio poscere pacem.  
Nec dare præcipiti lintea versa fuga.  
Subveniant socijs socij, Deus omnibus ipse  
Auxilium nobis suppetiasq; ferat.  
Hac ubi fatus erat pro tempore pauca, carinas  
Remige propelli mox jubet ille suas.  
Vidit ut instructis venientem navibus alter,  
Cui major classis major eratq; manus.  
Advocat in cætum socios & talia fatur:  
Vix annos septem tunc ego natus eram.  
Cum mihi nobilitas regni daret alta coronam,  
Octo annos sed jam senaq; lustra gero.  
Prostrati campis multi cecidere meorum,  
Ut Suero capit bella movere mihi.  
Illuxisse diem spero quo vincere nostros  
Hostes, & ferro sternere fata dabunt.  
Quapropter socij vos unum obtestor & unum,  
Hoc contendo suam quisq; probate fidem.  
Vos ergò præstate fidem velut antea semper  
Fecistis, manus est sat numerosa mihi.  
Hoc ego nunc unum jam postulo, ab omnibus unum  
Hoc contendo, suam quisq; probate fidem.

Sic ubi fatus erat concurrunt illicò puppes,  
 Et fiunt tremulo praelia sæva salo.  
 Fecerat exiguas tunc Sol altissimus umbras,  
 Auricomus medium jam tenuitq; diem.  
 Exoritur cades it tristis ad æthera clamor,  
 Saxaq; brumali grandine plura cadunt.  
 Anceps pugna diu multi caduntur utrinq;  
 Undaq; puniceo tincta cruore rubet.  
 Cortipedes tandem superant victricibus armis  
 Hostes & sternunt Marte favente suos.  
 Ut stetit à sævis victoria Birchëbeneris;  
 Spesq; fuit victis non super ulla fugæ.  
 Tam densè miles Magni coit omnis in unum,  
 Quattuor ut mersas sorbeat unda rates.  
 Quod simul ac vidit proles Eyringica Magnus,  
 In bello miles qui tamen acer erat.  
 Protinus aquoreas sese mittebat in undas,  
 Cum multis claris nobilitate viris.  
 Hic ex nobilibus Magni cecidere bis octo,  
 Obscuri generis quot cecidisse putes?  
 Tum nox stelliferi mediam pervenit Olympi  
 Ad metam & varia conticuisse aves.  
 Prodiit ut tenebris fulgens aurora fugatis,  
 Solq; oriens nitidum sparsit ab ore jubar.  
 Mandari cæsos inhumataq; corpora terre,  
 De victo, palmam qui tulit hoste, jubet.  
 Inventum Regis demersi corpus in undis,  
 Includit loculo curat idemq; vehi:  
 Huc ubi Berga jacet tectis decorata superbis,  
 Cui mons vicinus nomen habere dedit.  
 His actis dictam dat Suero victor ad urbem  
 Carbasa, cortipedum concomitante choro.

Exceptu-



Exceptura coit venientem civica turba,  
Pulsaq; sub celsis turribus ara sonant.  
Attamen illius Magnum pars maxima palmam  
Victrici malunt obtinuisse manu.  
Sape quis alterius manui dedit oscula blandus,  
Abscissam ferro quam tamen esse cupit.  
Corpus magnifico sepelitur funere Magni,  
Et nunc in summa conditus ade jacet.  
Ante sed exequias cunctis monstravit humanum,  
Fluctibus extinctum ne dubitare queant.  
Hic tria regnavit clarus septennia bello,  
Insignem meritis & probitate virum.  
Latos diffundens vultus persape solebat  
Fallere jucundis tempora longa jocis.  
Nil rutilus vidit Sol munificentius illo,  
Namq; dedit larga splendida dona manu.  
Sed fuit illicita Veneris studiosus, & idem  
Gaudebat plenos evacuare Scyphos.  
Ut fera satiferum Bellona recondidit ensen,  
Qua nihil in mundo tristius esse potest.  
Margretam licito juxxit sibi fadere victor,  
Inclyta qua Sueonum filia Regis erat.  
Annus & annus abit post praelia facta, tumultus  
Cum novus exoritur, seditioq; gravis.  
Non procul Aslojâ celebri notissima famâ,  
Insula de capitis nomine dicta jacet.  
Hic stetit immensis extructum sumptibus olim,  
Vastum insigne, ingens, nobile Canobium.  
Sed nunc disjectas moles, avulsaq; sax is  
Saxa vides, constans sic nihil orbis habet.  
Vixit ibi Monachus Ionas Cuslingus obesus,  
Qui soboles Petri vera parentis erat.

Attamen affectans regnum sedemq; Monarchæ,  
Crogbagio finxit se genitore satum.  
Sumere persuadet Magni fautoribus arma,  
Accumulat subitam seditiosus opem.  
Quotquot adhærebant Cuslingi partibus, omnes  
A duce Cuslingo sceptrâ vetusta vocat.  
Omnibus una fuit Sueronem pellere regno  
Cura, vel hunc miseris exanimare modis.  
Hæc variâ passim grassatur cæde caterva,  
Atq; dat in multis plurima damna locis.  
Hæc funesta duos durabant bella per annos,  
His lapsis Jonas casus in urbe cadit.  
Urbe, cui fecit montis vicinia nomen,  
Qui petit ærijs ardius astra iugis.  
Postea Sigvardus Magno genitore creatus,  
Instruxit naves expeçitq; suas.  
Orcades undifono qua sparsos æquore fluctus,  
Tundunt insignes ferilitate soli.  
Ulturusq; sui cineres mortemq; parenti,  
Norgica ventosum per mare regna petit.  
Ex improvîso Tonsbergæ Marte trucidat,  
Claros & veteri nobilitate viros.  
Et multo passim conscripto milite cingit,  
Navigat instructa classe virisq; potens.  
Classe virisq; potens Suerburgum milite cingit,  
Uxor ubi regis Margaris ipsa fuit.  
Quod simul ac Regis perlatum venit ad aures,  
Qui tunc Nidrosiæ duxit in urbe moram.  
Procinus instructis tendebat navibus illuc,  
Hostibus intrepidus congregiturq; suis.  
Missilibus certant telis, rubet unda cruore,  
Saxaq; brumali grandine plura volant.

Viraq;

*Viraq; defendit pars sese fortiter armis,*  
*Signaq; solliciti nulla timoris erant.*  
*Sed tandem invictis victoria Birchebeneris*  
*Cessit, prostratis hostibus ante feris.*  
*Hic cecidit fusi Sivarthus sanguinis autor,*  
*Milite cum multo, nobilibusq; viris.*  
*Stravit ut infestos Suero feliciter hostes,*  
*Victor Congelsvam carbasa tensa dedit.*  
*Illic ad lauta non vilia fercula mensa,*  
*Legatum invitat Roma superba tuum.*  
*Æratis venit qui passim vendere bullas,*  
*Fraudibus ut magnas accumularet opes.*  
*Rex igitur passim cumulantem fraudibus aurum,*  
*E regno minitans jussit abire suo.*  
*Sentio cur Latijs venisti missus ab oris,*  
*Adventus causam mene latere putas?*  
*Tu, similesq; tibi, caelestia dona venitis*  
*Vendere, quo magnas accumuletis opes.*  
*Vos juvat aratis (ô impia pectora) bullis*  
*Reges cum populo ludificasse rudi.*  
*Vos, ut inutilibus nobis illudere bullis*  
*Possetis, longam non piget ire viam.*  
*Sed simul ac patrias leti redijstis in oras,*  
*Laudetis multos ludificasse dolis.*  
*Propterea dico, si non impostor abibis,*  
*Quàm primum meritis præmia digna feres.*  
*Sic te deducam sic & tractabo reversum,*  
*Ut vix te Latius noscere Papa queat.*  
*Ille sibi vitæ metuens à Rege periculum,*  
*Cum socijs abiit venerat unde suis.*  
*Proxima vestiret cum campos floribus æstas,*  
*Et decorata suis frugibus arva forent.*

Conscripti cœunt procures Regemq; coronant;  
Vrbs ubi de montis nomine dicta jacet.  
Qui sibi Pontifices reconvocat inde peractâ,  
Ut venere statim talia verba facit:  
Vos hortor Domini moneoq; ut semper ametis  
Pacem, qua nihil hic dulcius orbis habet.  
Nemo serat vestrum finesi semina belli;  
Sed mihi quisq; suam præset ubiq; fidem.  
Et vestrum munus summâ cum laude geratis,  
Qui sapit, is Spartam curat amatq; suam.  
Omnes dant Regi dextrasq; fidemq; sed omnes  
Antea quam dederant non tenuere fidem ::  
Nicoleus etenim Danos per carula vectus  
Accessit, magnam legit ibiq; manum.  
Illius, ut soboles Ingo (quem patre creatum  
Fingebat Magno) sceptrâ verenda ferat.  
Quiq; sub illius miscebant prælia signis;  
Omnes Bagleros scripta vetusta vocant.  
Agmen agens magnum tendit qua Vigia fluctus  
Sustinet, insignis fertilitate soli.  
Occurrit Sueri o venienti viribus impar,  
Et multis letho cedit utrinq; datis.  
Nidi osiamq; petens hominum tria millia legit,  
Instruxit naves militibusq; replet.  
Occupat interea hic australia prædia victor,  
Ingo compellens ferre tributa sibi.  
Quapropter passis Borealia littora velis  
Liquit, & Aslojam per mare Sæuro petit.  
Huc ubi perventum mox urbem milite multo  
Cingit, Bagleris congrediturq; statim.  
Pugna ferox oritur longeq; miserrima cades,  
Sanguine puniceo queq; platea rubet.



Multa jacent passim prostrata cadavera ferro,  
Area templorum sparsa cruore madet.  
Vidit, ut innumeros Ingo cecidisse suorum,  
Mox cum praesulibus terga pavore dedit.  
Hic è Bagleris cecidit pars maxima victis,  
Reliquia celerem corripuere fugam.  
Fervidus insequitur fugientem Suero catervam,  
Datq; neci victor corpora multa virum.  
Post hac Nidrosiam Baglerica turba tetendit,  
Absumit flammis Regis ibiq; rates.  
Et parere sibi multosq; subesse coëgit,  
Nolentes miseris interimiq; modis.  
Hoc per tres annos bellum miserabile gestum  
Duravit, multis exitioq; fuit.  
Temporis illius quis cladem & funera flendo  
Explicit? aut dignè commemorare queat?  
Sæpè superveniens Ingonis castra sequentes  
Suero necat, meritam reddit eisq; vicem.  
At vos Pontifices diri quid semina belli  
Jecistis? Christus siccinè vos docuit?  
Per vos seditio mota est, discordia per vos  
Est sata, sunt varijs corpora strata locis.  
Praesulis est munus non spargere semina belli:  
Sed verbo CHRISTI pascere ritè gregem.  
Hos vos officio neglecto bella movetis  
Regi, gaudentes castra nefanda sequi.  
Hanc igitur vobis debet Norvegia cladem,  
Vos estis tanti fons & origo mali.  
Post Tonsberhusum diffusò milite cingit,  
Tunc ubi fautores Ingo fuere tui.  
Dumq; arcem castris premit obsidione locatis,  
Qua stetit in montis vix capienda jugo.

Cynthia ter denos implevit cornibus orbem.  
Dum pressit clausos obsidione gravi.  
Obsessos orta est tandem penuria rerum,  
Nec non horrenda mortis alumna fames.  
Qua ferme illorum perijt pars maxima, mortem  
Pars etiam facta deditio subit.  
Pandere sunt igitur portarum claustra coacti,  
Ne premat inclusos longius atra fames.  
Tunc imbecilles adeo infirmiꝫ fuerunt,  
Vix solito ut possent ponere more pedes.  
His Suero clemens dat vitam, prædiāꝫ ultro  
Supplicibus reddit quæ tenuere prius.  
Post ubi finito siluerunt prælia Marte,  
Et Bellona ensem condidit atra suum.  
Tonsbergæ tristi cæpit decumbere morbo,  
Robore paulatim deficiente suo.  
Bergensem navi tendit tamen æger ad urbem,  
Quæ jacet ad gelidi litora structa maris.  
Huc ubi peruenit se ferri iussit in arcem,  
Quæ Suerisburgum nomine dicta fuit.  
Hic blandi capiens dulcissima munia somni,  
Ingressum vidit limina fortè virum.  
Ex quo decumbens se somnia querere, ullâ  
Depelli morbus num ratione queat?  
Avertens oculos alter faciemꝫ roganti,  
Talia confestim reddere visus erat.  
Te para ad extremum quo Christus ab axe redibit,  
Et surgent tumulis corpora viva diem.  
Evigilans mortem sentit Rex esse propinquam,  
Quæ solet incerto certa venire die.  
Quapropter cupidus venia æternæꝫ salutis,  
Mystas sacrorum iussit adesse sibi.

*Acciui veniunt consolanturq; jacentem,*  
*Monstrantes vera ritē salutis iter.*  
*Jamq; increbescit morbus, fera morsq; propinquat,*  
*Et Spes sperata nulla salutis erat.*  
*Mox igitur deflens transacta crimina vita,*  
*Æthereos sumpsit sacraq; pocla cibos.*  
*Astant infirmo procures regniq; senatus,*  
*Testantur lachrymus tristitiamq; suis.*  
*Munijt ut sese sacris, mox talibus infit,*  
*Hoc notum vobis omnibus esse volo,*  
*Mascula progenies mihi quod jam nulla supersit,*  
*Excepto Haquino, credite, vera loquor:*  
*Vnanimes igitur (quod vos obtestor) eidem,*  
*Tradite post mortem sceptrā gerenda meam.*  
*Possit enim fieri me vita atq; aëre casso,*  
*Ut quis se fingat me genitore satum.*  
*Ei moveat bellum stimulante cupidine regni,*  
*Antea ceu factum sapius esse liquet.*  
*Hec fatus: vitam finit duosq; labores,*  
*Commendans animam Christe benigne tibi.*  
*Hic fuit illius post bella gravissima finis,*  
*In quibus invictum prastitit usq; ducem.*  
*Corpus magnifico sepelitur funere summa*  
*Æde, tenet nitidi Spiritus astra poli.*  
*Tunc mille & centum post partum virginis annis,*  
*Cum lustris denis lustra jerantq; decem.*  
*Prastit huic regno viginti quinq; per annos,*  
*Et gessit forti regia sceptrā manu.*  
*Suero Rex Magnus, ferus & leo, mitis ut agnus,*  
*Supplicibus facilis, fontibus asper erat.*  
*Justitia, legum, pacis, pietatis & equi*  
*Culior, & antiqua religionis amans.*

Ornavit victrix ira clementia mentem,  
Pectora consilijs plena fuere bonis.  
Magnanimus, sapiens, & circumspectus & acer,  
Et Regum nulli Marte secundus erat.  
Adde quod intrepidus subiit discrimina mortis,  
Essent cum forti bella gerenda manu.  
Arma lacessiti quoties ultricia sumpsit,  
Hostiles stravit Marte favente manus.  
Inferior numero superavit, sapius hostes,  
Exiguus letho copiisq; dedit.  
Testis erit Magnus quem viciit viribus impar,  
Compulit & patrios destituisse Lares.  
Testis erit Magno natus genitore Sirardus,  
Testis erit Ionas, Ingoq; testis erit.  
Testis erit genitor tuus, & Baglerica turba,  
Quam docuit celerem corripuisse fugam.  
Ut leo magnanimus catulis desavit adeptis,  
Irruit in sparsos lata per arva boves:  
Sanguineoq; jubar horrentes inficit ore,  
Morsu dilacerans omnia membra fero:  
Haud aliter Suero dum praelia miscuit atrox,  
Thorax hostili sanguine sparsus erat.  
Magna fuit Regi sacunda gratia linguae,  
Amula Nestoreis verba fuere sonis.  
Omnes ingenio superavit & arte Monarchas,  
Quos gentile solum Norgica terra tulit.  
Excultos studijs studijs excultus amabat,  
Ac habuit doctos magno in honore viros.  
Pauca loquebatur quando convivae sederet,  
Sumeret & lautos fercula grata cibos.  
Et licet interdum sic re poscente vocaret  
Convivas, nimium non tamen ille bibit.

Moribus



Moribus his meruit procreum populiq; favorem,  
Omnibus acceptus propter eosq; fuit.  
Salve magne heros, regum fortissime salve,  
Salve *Pierij gloria magna Chori.*  
Sit licet creptus vivis & morte peremptus,  
Attamen in terris fama superstes erit.  
Fama superstes erit magnidum machina mundi  
Stabit, in hanc juris mors habet atra nihil.

# HAQUINUS SUERO.

## NIS Filius, senior dictus.

### XXIIX. Rex Norvegiæ.

**F** Inijt ut vitam Suero Sivar dica proles,  
Filius Haquinus Regia sceptrata tulit.  
Nobilium primis tendit comitantibus urbem,  
Quæ de vicino nomina monte tenet.  
Expansis iterum velis petit impiger inde,  
Sarpsburgum lentam traxit ibiq; moram.  
Flumine luxurians quæ vertice Sarpus ab alto  
Volvitur, & tantis præcipitatur aquis.  
Ut si stentorea quis voce loquatur ibidem,  
Auribus hauriri non tamen illa queat.  
Illic ut vidit forma præstante puellam  
Ingam, quæ summa nobilitatis erat:  
Mox jubet adduci visam succensus amore,  
Ut jaceat tepido nocte recepta sinu.  
Jamq; expleto animo dulci oblectatus amore,  
Ad Bergas rursus lintea tensa dedit.  
Huc ubi pervenit, moriens vitale reliquit  
Lumen, & extremum clausit in orbe diem.

M

Mensi

*Mensibus Haquinus bisseñis scepra gerebat,  
Riteq; Bergenſi conditus urbe jacet.*

## GUTHORMUS SI GUARDI Filius, Sueronis

nepos ex filia, XXIX. Rex Norvegiæ.

**T***Raditur imperium patrui poſt fata Guthormo,  
Sed tenuit parvo tempore ſcepra nimis.  
Cynthia complevit quater & bis cornibus orbem.  
Norgica Guthormo ſcepra gerente, ſuum.*

## INGO BORDERI FI LIUS Sueronis nepos ex fi lia, XXIX. Rex Norvegiæ.

**G***uthormo ſubijt Borderi filius INGO;  
Filia Sueronis quem generoſa dedit.  
Proxima veſtiret cum campos floribus æſtas,  
Et decorata ſuis frugibus arva forent.  
Maſculâ progenies Inga pariente ſub auras  
Nâſcitur, & primum cernit in orbe diem.  
Cui mater juffit genitoris nomen Haquini.  
Indi, cum ſacris perlueretur aquis.  
Poſtea Nidroſiam decurſis menſibus anni  
Tendebat, magno concomitante choro.  
Matrem cum puero, Rex magno excepit honore,  
Unis complexum fovit eumq; ſuis.  
Oſculaq; roſeo carpebat blandulus ore;  
Inq; aula latus fovit utrumq; diu.*

Corti-

Cortipedes viso pariter latantur Haquino,  
 Qui sub avi signis & meruere patris.  
 Post apud Haquinum Jarlum vivebat, & illo  
 Artes addidicit percipiente bonas.  
 E ludo quadam cum luce veniret Haquinus,  
 Jarlus ait.: quidnam discis amande puer?  
 Alter ad hac: artem rectè & benè disco canendi,  
 Quæ curas animi tristitiamq; fugat.  
 Cum neq; tu fies pastor vel Episcopus unquam,  
 Illam quid quæso te didicisse iuvat.  
 Nobilium quidam Jarlo suadere laborant,  
 Ut natum morti dedat Haquine tuum.  
 Extinctus rapida Regis si filius esset  
 Morte, vel immites missus ad usq; Getas.  
 Filius Ingoni vita succedere fundto,  
 Posset, & imperij frena tenere tuus.  
 Absit ut hoc illi faciam qui totius hæres  
 Est regni, ac tanto dignus honore simul.  
 Annos ut vita denos complevit alumnus,  
 Natura solvens debita Jarlus obit.  
 Rex igitur rursus puerum suscepit alendum,  
 Et magno à cunctis iussit honore coli.  
 Ingo parum firmis post cepit viribus uti,  
 Cunctaq; non parvo membra dolore premi.  
 Consultant igitur procures de Rege creando,  
 Si vita summum clausurit Ingo diem.  
 Afferit heredem regni se Schulo, Monarcha  
 Nam frater primus nobiliumq; fuit.  
 Astabat tacitus vir juris amator & equi,  
 Evindus linguam continuuitq; suam.  
 Cui reliqui: tacitus quid stas Evinde nihilq;  
 Respondes? profers cur nihil in medium?

*Quid respondebit, quem non interrogat, ullus;*

*Tantos demiror vos dubitare viros.*

*Ætas si matura virum fecisset Haquinum,*

*Deberet titulum patris habere sui.*

*Non tu deberes succedere Schulo, sed ille*

*Frater sit quamvis Ingo Monarcha tuum.*

*Sed Spes Schulonem pluresq; fefellerat, ista,*

*Frena quibus regni prendere cura fuit.*

*Nam qui decubuit defectis viribus Ingo*

*Convaleuit, vires restituente Deo.*

*Ut verò excessit jam grandis Haquinus Ephæbis,*

*Aiq; aptus bellis imperioq; fuit.*

*Non animum pauci juvenis stimulare laborant,*

*Totis ut Regi viribus arma paret.*

*Et cum Rege ineat, collatis prælia signis;*

*Victor ut imperij debita sceptrâ ferat.*

*Ille refert; nolo funesti semina belli:*

*Spargere, regnandi non mihi tantus amor.*

*In manibus summi mea spes est sorsq; Tonantis;*

*Si velit ille suo tempore sceptrâ feram.*

*Consuluit paci sic bella perosus Haquinus:*

*Impia, sic patria consulitq; sua.*

*Post Ingo moritur, vix dum trieteride plent;*

*Annos cum tredecim natus Haquinus erat.*

*Big; suum sex jam complevit Cynthia orbem,*

*Imperij fascēs dum bonus Ingo tulit.*

HAQVINVS HAQVINI SENIO-

RIS Filius XXX. Rex. N. qui in

Orchadibus obiit.

C Onveniunt regni procures post fata Monarchæ.

Haquinum Regem constituuntq; suum.

Quod



Quod sine consensu summi sit praesulis, illi  
 Strips odio semper Nam tua Suero fuit.  
 Tempore quo regni stimulante cupidine quidam  
 Impia per multos cogit in arma viros.  
 Rex novus hos stravit, sed non sine cade suorum  
 Primum virtutis dat specimenq; sua.  
 Affectans regnum Farlus sibi Schulo favorem  
 Praesulus & procerum conciliare studet.  
 Ut fratris titulum ferat auxiliantibus illis,  
 Qui digna gessit regia sceptrum manu.  
 Et se designent regem, sceptrumq; paterno  
 Privent Haquinum, plebe favente cupit.  
 Obijciunt igitur, non sat constare quod esset  
 Filius Haquini, Suero neposq; tuus.  
 Rex quibus? haud candens ferrum portaverat, ulla  
 Mater, ubi natus sceptrum gerenda tulit.  
 Nunc tamen hoc fiet, quo confundantur ad unum  
 Omnes, qui natum rege parente negant.  
 Privatumq; volunt sceptrum solioq; paterno,  
 Et dudum miseris interijisse modis.  
 Nec mora quin candens ferrum pro more vetusto  
 Portavit manibus nobilis Inga suis.  
 Illasq; illis monstrat (res mira) fidemq;  
 Multis, hoc fieri qui cupiere diu.  
 His actis renovant ipsi mox fœdera pacis,  
 Tempore quæ longa non tenuere tamen.  
 Margaritæ & Regi gnata est Schulonis Haquino,  
 Legitimo saci i fa dere juncta tori.  
 Gaudia qui Bergis celebrant hymeneia lati,  
 Testantur varijs latitiisq; modis.  
 Orchadum in oris pradari ut rescivit Haquinus  
 Scotos, permultas perdere & igne domos.

Navigio celebri violentos expulit hostes,  
 Turpia compellens vertere terga sibi.  
 Interea conjunx peperit pulcherrima prolem,  
 Quo fuit Arctoo pulchrius orbe nihil.  
 Qui tulit Haquini nomen commune parenti,  
 Infans cum sacris perlueretur aquis.  
 Perfidus at studuit Magnatum Schulo favorem  
 Praefulis & plebis conciliare sibi.  
 Acciti coeunt populi regniq; Senatus,  
 Schuloni & tribuunt nomen habere Ducis.  
 Is regni aspirans ad sceptrum fœdera frangit,  
 Nec tenuit Regi quam dedit ante fidem.  
 Atq; duos Regi defendit Schulo rebelles,  
 Denuo lis oritur dissidiumq; grave.  
 Ipse confestim multo se milite firmat,  
 Constituens regnum subdere Marte sibi.  
 Continuo è medio statuebat, tollere cunctos,  
 Prognati Regum sanguine quotquot erant.  
 Hinc bellum exarsit quod Schulo movit Haquino,  
 Norvegia & varijs intulit arma locis.  
 Ignibus absumit pagos necat obvìa quaq;  
 Et parere suo compulit imperio.  
 Asloia huic Regis titulum proceres tribuebant,  
 Dimidium regni plebe probante capit.  
 (Postquam bis denos regnasset Haquinus in annos  
 Regale & Nato nomen habere dedit.)  
 Quod simul ac Regis perlatum venit ad aures,  
 Qui tunc Nidrosia nectit in urbe moram.  
 Multo festinans conscripto milite Bergas  
 Navigat, instructa classe virisq; potens.  
 Hinc cito pravehitur spumantia saxa sinusq;  
 Asloiam versus per mare vectus adit.

Et portam subiens pulsantibus aquora remis,  
Militis armatam vidit adesse manum.  
Extemplo exoritur clangor sonitusq; tubarum,  
Et sese pugna quisq; repente parat.  
Pars gladios stringunt, pars corripuere bipennes.  
Intendunt arcus pars sinuantq; suos.  
Aspera collatis inierunt praelia signis,  
Qua celer humectat Fresius arva vadis.  
Acriter adversis concurrunt hostibus hestes,  
Dantes crudeli vulnera seva manu.  
Pugna crudescunt non pauci utrinq; cadebant,  
Schulonis major pars tamen icta cadit.  
Multa jacent passim prostrata cadavera ferro,  
Vndiq; funesta mortis imago fuit.  
Invadunt urbem multos lethoq; dedere,  
Sanguine profuso quaq; platea rubet.  
Victus ad extremum longo certamine Schulo  
Cessit, & amisso milite terga dedit.  
Nidrosiam properans paucis comitantibus agre,  
Civibus exosus nobilibusq; redit.  
Quare odisse ducem cepit Trondemica turba,  
Amplius illius nolle subesse jugo.  
Naves Nidrosiam tredecim transmittit Haquinus,  
Armis instructas militibusq; feris.  
Intrantes portum Zephyro spirante petitum,  
Quas Schulo hostiles vidit ut esse rates.  
Protinus ipse metu percussus convocat omnes,  
Ut sibi suppetitas auxiliumq; ferant.  
Extimulans animos juvenum spolijs & opimis,  
Sed pleriq; fuga consulere sibi.  
Ergo videns sese non posse resistere fugit,  
In sylvam noctes mansit ibiq; duas.

Hinc

Hinc subit in claustrum vestitus ritè cucullo,  
Nec tamen hostili tutus ab ense latet.  
Postridie extractum perimunt hunc Birchebeneri,  
Heu miser insano militis ense cadit.  
Quid memorem gnatum simili quem morte necarunt.  
Perfidia panas sic dat uterq; sua.  
Vita defunctus succincto à milite busto  
Mox datur, in summa conditus ade jacer.  
Hac cum perlatis rumoribus audit Haquinius,  
Regina narrat jam cecidisse patrem.  
Pramia (proh) factis nunc digna tulisse malorum,  
Nempe solet panis invigilare D E V S.  
Deinde coronatur Bergi diademate Haquinius,  
Iam senior fasces bis tria lustra gerens.  
Post annos aliquot delectus Haquinius Haquini  
Concessit satis, indoluitq; parens,  
Hinc cum nobilibus Rex & cum Prasule confert,  
Ut gnato tradant sceptrum gerenda suo.  
Te procures o Magne patri ut succedere possis,  
In regni solium patre probante legunt.  
Posthac cum Danaum facturus praelia Rege,  
Tercentum Haquinius colligit ecce rates.  
Regi Christophoro legatis praelia missis  
Indicit, magnam contrahit atq; manum.  
Sed pacem suadent regni utriusq; senatus,  
Regibus & bellum composuisse student.  
Persuasi faciunt inter se fœdera pacis,  
Componunt manibus fœdera firma datis.  
Vtraq; gens leto testatur gaudia plausu,  
Et dat letitiæ plurima signa nova.  
Denuo pradari ut novit Rex Orchadas acres,  
Scotigenas : classem præparat ipse suam.



Hos adiit dextrè ventosa per aquora vectus,  
Vt depellat eos, qui populantur agros.  
Inde Suderotas petijt Manorasq; recepit,  
Atq; coëgit eos Marte subesse sibi.  
Quæ confecta quidem cum fervida bella fuissent,  
Corripitur morbo, duraq; fata subit.  
Hinc Bergas funus transfertur, ibiq; sepulchro  
Infertur, lachrymis plebe rigante genas.  
Post mille & centum bis, tresq; annos duodena  
Lustra, inde à cunis Maxime Christe tuus.  
Rex erat Haquinus facieq; comâque refulgens,  
Et latos humeros hunc habuisse ferunt.  
Corpore robustus, linguaque volubilis usu,  
Innocuis mitis, fontibus asper erat.  
Integer & justus populos sine crimine rexit,  
Et belli studijs asper atroxq; fuit.  
Ingenti superis struxit sublimia sumptu  
Templa, quibus donat munera larga pius.  
Nidrosia magnis extruxit sumptibus aulam,  
Vicinum huic templum condidit atq; sacrum.  
Hospitibusq; vagis extruxit publica tecta  
Tonsberga, his victum suppeditare jubet.  
Tonsbergensem arcem firmat, murisq; locatis  
Cinxit, in aëreo quæ jacet alta jugo.  
Salve dive heros, gestis Rex maxime rebus,  
Delebunt laudes secula nulla tuas.  
Sydera dum voluit cælum tua fama vigebit,  
Et tua post cineres gloria semper erit.





JOH. S ADOLINI O.  
ctastieha de Regibus Daniæ  
& Norvegiæ simul.

OLAUS HAQUINI  
Regis Norvegiæ Filius, Val-  
demari. IV. ex Margarita filia.  
nepos.

**H**inc successit avo puer ingeniosus Olavs,  
Cui mens in tenero pectore docta fuit.  
*Quem peperit conjunx castissima Regis Haquini,  
Filia Valdemaro Margaris orta patre.*  
*Parvus at occubuit prima sub flore juventa:  
Spemq; novam patriæ mors inopina tulit.*  
*Sic rosa luctifico pulcherrima sternitur austro:  
Sic pereunt durâ lilia fracta manu.*

MARGARITA VAL-  
DEMARI IV. Filia, eadem HA-  
QUINI Vidua relicta, trium regnorum.  
regina.

**M**argaris extincti charissima mater Olai,  
Plus quàm femineâ pradiça mente stetit.

*Legibus*

*Legibus hac aquis tenuit Norvegica regna,  
Sumpsit & egregiâ Danica sceptrâ manu.  
Per domuit Sueonum Rêgem victricibus armis,  
Subjecitq; suo colla superba iugo.  
Bis tria lustra trium regnorum rexit habenas,  
Regali mulier clara potensq; choro.*

## ERICUS IX. Cognomen- to Pomeranus.

*D*<sup>VX</sup> bonus & prudens POMERANÆ gentis ERICVS,  
MARGARIDOS nutu Danica sceptrâ tulit.  
Fimbros ac Henetos domuit cimbrosq; rebelles,  
Vicit & Holsatios Frisiacosq; duces.  
Hic atate gravis patrias remeavit in oras,  
Ocia privata & dulcia pacis amans.  
Sic patriæ terra trahimur dulcedine cuncti?  
Nataliq; damus promptius ossa solo.

## CHRISTOPHORUS Tertius, Cognominatus BA- VARUS.

*C*HRISTOPHORVS Bavaria Clarissima gloria terra,  
Pectore divino suspiciendus adest.  
Civiles pepulit strepitus vulgiq; furorem,  
Vinnilijs qua se Iulia pandit agris.

*Tum demum reliquam vitam sine lite peregit,  
Daniaco dicens jura colenda throno.  
O bene felicem posito qui Marte feroci,  
Dulcia divina munera pacis amat.*

## CHRISTIERNUS PRIMUS Cognomento Oldenburgicus.

**Q***VI trahit à CHRISTI specioso germine nomen,  
Sidere formoso clarior ecce nitet.  
Aggressus vario rigidos certamine Suecos,  
Extorsit tandem debita sceptrā sibi.  
Deinde rebellantes bello petiturus eosdem,  
Plurima damna tulit, plurima damna dedit.  
Illius auspicijs Academia Danica cepit,  
Hafnia quā fulget manibus alta suis.*

## JOHANNIS CHRISTIERNI Filius.

**F***VDit JOHANNES hostes terrarū mariq̃,  
Illorum potens debilitavit opes.  
Edocuit Sueones Danorum viribus actos,  
Deposito fastu jura Deumq̃ sequi.  
Marte Lubecanā valido compescuit iram,  
Protexitq̃ pia patria regna manu.  
Ditmarij autem redijt pulsatus ab oris,  
O fors quam tu non semper amica venis.*

CHRI.



# CHRISTIERNUS II. JOHANNIS Filius.

**A** CHRISTO tenuit qui nomen grande Secundus,  
In rigidos Suecos arma corusca tulit  
Adversus Satrapas stetit acrem pronus in iram,  
Sed misera plebi mitior ipse fuit.  
Excidit è solio regni : mox carcere tentus,  
Fortuna factum pertulit omne sua.  
Quodq; magis laudes, instructus dogmate CHRISTI  
Clusit in excelsa religione diem.

# FRIDERICUS CHRI- STIERNI II. Patruus.

**I**mperium sumpsit FRIDERICVS primus avitum,  
Qui veterum Regum stemmate natus erat.  
Hic studio Martis praeponens munia pacis,  
Legibus ornavit patria regna pijs.  
Tempore sed belli: fuit ingeniosus in armis  
Floruit, & forti sirennus usq; manu.  
Hujus adhuc nati JOANNES dux & Adolphus,  
Holsatiae terrae splendida frena tenent.

# CHRISTIANUS III.

FRIDERICI Fil. virtutis nomine  
appellatus Danorum Augustus.

**T**ertius à CHRISTI qui duxit nomine nomen,  
Hostibus ejectis patria sceptrum tulit.

*Clara statuta dedit decretaq; fulgida sanxit,  
Et niveum pacis condecoravit opus.  
Illius en curâ qua Biblia sancta vocantur,  
Jam translata suâ Dania voce legit.  
Nobilitate sacros ornans lauroq; Poëtas,  
Augustus nostri temporis alter erat.*

## FRIDERICUS Secundus Christiani Tertij Filius.

*E*nquôq; nomen habes clarum Friderice Secunde,  
Nec titulos tollent sacula longa tuos.  
Ditmaricam gentem superasti fortibus armis :  
Nunc majora tuo fulmine regna quatis.  
Templa, scholas, urbes, arces, pelagusq; tueris,  
Doctrina & pietas, te dominante, vigent.  
Ergo post cineres celebris tua gloria viver  
Perpetuò, donec vesper & ortus erit.

## CHRISTIANUS IV. Friderici II. Filius, Majoribus suis subjunctus, à M. Petro Bambasio Malchoviensi, P. L.

*I*n numeros retulit Reges GVNARIVS omnes,  
Norvegia sceptrum qui tenuere manu.  
Inquè suos numeros Reges S ADOLINVS adedit,  
Illam cum Daniâ qui tenuere simul.

Da veniam CHRISTIANE mihi, Rex nomine Quarte,

Vatibus admixtus quod metra jungo tuis :

Teque tuo subjungo patri, proavisq; beatis.

Meglaburgi acâ gente Poëta satius.

Cogor amore tui : nam te quoq; sanguine nostro,

Illustriq; satû, mater honora tulit,

Excellens SOPHIE, Sophian qua mentis acuta,

Stemmatibus jungit consolidatq; suis.

Te bonus haud dubiè S ADOLINVS ad astra tulisset,

Si vitam Regnum duxet ad usq; tuum.

GVNARIi vero jam nunc taciturna Thalia,

Ruminat in laudes carmina digna tuas.

Carmina qua luci data cernes grandior ævo,

Quum tua laus decoris brachia plura feres.

Interea pauxilla mea Rex carmina Musæ

Consule clementi, quaeso, favore boni.

Nam, licet atatis tibi adhuc ver floreat illud

Aureolum, virtus est tua digna tamen.

Vt bene Majorum junctam virtutibus orbi

Commendent vatum Carmina laude piâ.

Regna pater tranquilla tibi, diademaq; tutum

Tradidit, heredi primigenaq; suo :

Hæc tu pacis amans tranquilla ac tuta tueris,

Fas & jus tribuis & quando cuiq; suum.

Sic tamen, injustos ut in hostes strenuus ire

Non renuas, nec eis arma manumq; neges.

Per te conservant Arcæ mysteria sacra,

Et Cathedra puram cum Pietate Fidem.

Per te musarum suboles industria, per te

Floret Athenci docta palaestra tui.

Per te sancta Therms lances examinat aquas,

Et gladium justâ vibrat ubiq; manu.

Per te

Per te carbaseas excarcerat Æolus auras,  
Atq; sinit tutas navibus esse vias.  
O servent te fata diu cum conjuge saluum; e  
Et firment Regni sceptrâ bisulca tui,  
Nec nisi longavâ saturum Jovâ senectâ, tr  
Transferat ad Regni sceptrâ beata sui.

Megavilima f. A. C. M. DC. VI.  
XIV. Januarij.


F I N I S.



R O S T O C H I I  
Ex Typographiâ Stephani Myliandræ  
A N N O  
M. DC. VI.







Am

Lbs

948.1

Gunarius Halvardus

Gun

Chronicon regum Norvegia

1606



1002533630